


BOOKHOLANE, TSIE, LERUTLÈ, SEONGOANE

 Kea leboha, Moena Neville. Ke hlokometse hore ba lula ba suthisa maekerofounu o monyenyanane, kapa molumo. Na le nkutloa hantle? Ho lokile. Eona . . . Kea leboha.

Tšitiso e nyenyane, metsotsoana e seng mekae e fetileng, eona, e le moena ea emisitseng koloi ea hae sebakeng se fosahetseng kantle mona, 'me batho, ha ke nahana, ba batla hore a e suthise. Ke seo e neng e le sona. 'Me eena . . .

[Moena Gene Goad o bua le Moena Branham ka maekerofounu—Mohl.] Ona ka *mona*? Ho ka thoe'ng ha nka tlosa see? Na le nkutloa hantle? Ke . . . Ao ke maele a Kentucky, “Re ne re bohola sehlahla se phoso.” Ke ne ke hlahloba maekerofounu *ona*, 'me *ona* e loketse ho ba ona. Ho lokile. Kea leboha, Moena Gene. Joale, kajeno, ke . . .

² Re thabetse ho tlaleha ka kopano koana—koana Middletown, Ohio, vekeng e fetileng, kapa vekeng ea maoba, ke eona, joale. Ebile nako e tlotlehang ho rōna. Re bile le . . . Oh, liphutheho li ne li se kholo hakaalo. Empa e ne e le kantle mahaeng sebakeng se bitsoang Chatauqua, hole kantle, limaele tse robeli kapa tse robong kantle ho toropo. Empa e—e malulo a ne a tletse, 'me sa tsoara likete tse 'maloa tsa batho. Ha ke motle hakaalo ho hakanya matšoele. 'Me ka hona ntho ea bohlokoa, eona, Jesu o kopane le rona, 'me ke eo karolo e ntle. 'Me ea hlahisa litholoana tse kholo, ho Eo re mo rorisang, Morena Molimo, ka ho re etsetsa hona.

³ 'Me ho ena le ba bang ba batho ba khabane ka fetisa bao nkileng ka kopana le bona bophelong ba ka, naheng eo. 'Me erekaha re le haufi le moeli mona, nka bua sena, e ne e le ma-Kentuckians ka lipheresente tse mashome a robong a metso e robong. Ntho e 'ngoe le e 'ngoe holimo mono e ne e le Kentucky. Moena Sullivan o itse, “Moena Branham,” o itse, “na u tseba, bohle, mabapi le khohloana ena eohle e mathang holimo mona, e batla e le Kentucky?”

'Me ka re, “Ke—ke ne ke sa tsebe seo.”

O itse, “Ee, ba joalo.”

⁴ 'Me bosiu bo bong kopanong ka tsoatsoa ke buile feela, “Ba bakae mona ba tsoang Kentucky, phahamisang matsoho a lona.” Ka sheba hohle, ka nahana, “Na ebe o teng motho ea tsoang kae-kae?” Bohle hantle feela, Kentucky.

⁵ 'Me liphetho li ne li babatseha, litlaleho tse ngata hakana! Ho ne ho e-na le e—e monna ea khabane, maobane, ea neng a feta, a feta 'me a mpoella ka lintho tse ling tse etsahetseng, le mangolo a kenang, le mapaki a fapaneng. 'Me hape ha ba le. . .

⁶ Ho na le monna e mong morao mona ea nkang likhatiso hona joale, 'me o itse, bosiu bo itseng, kea lumela o itse “bosiu ba maobane,” ha ke ne ke rera ka ntsu e nyenyane. 'Me a rialo hore. . . Moleng oa temoho, kapa mohlomong e ne e le ka phuthehong, ha ke khone ho bolela efe, empa ha ba le monna ea nyolohang a tsoa har'a bamameli. 'Me Moea o Halalelang oa qala oa bua le eena, 'me oa 'molella a sa tsoe naheng eo, empa o ne a tsoa Indiana, sebakeng se seng holimo Indiana. Le ho re, “Mona ha u a emela uena. U emetse lesea la hau mona, la likhoeli li le 'maloa feela, e ka ba likhoeli tse tharo,” le ntho e kang eo. 'Me le ne le tla etsoa karo, 'me pelo e tlamehile ho ntšoa. 'Me ho le tjena e—e boemo bo hlomolang pelo; matšoafo a lona a manyenyane a ruruhile, sefuba sa lona; mpanyana ea lona e habehile. Le ho 'molella ho ea hae, le ho se belaele; empa haeba a ke ke a belaela, o ne a tla fihlela lesea la hae le itoketse.

⁷ Joale, paki e ka phaposing e latelang mona joale, 'me mohlomong lesea le har'a letšoele, ka hohle kamoo ke tsebang. Matšoafo a leseanyana a khutletse setloaeling, 'me mpanyana e boetse e hlahile ka tloaelo. 'Me monna ea nkang lirekoto ka mona, tsa e 'ngoe ea liteipi hoseng hona, o ile a tlisa mè, le ntate, le ba hae. . . moahelani sehatisi sena sa theipi, 'me a ba tlisa, 'me a tlisa lesea, 'me a lulisa lesea mose ho phaposi, 'me a bapala teipi, eo e neng e le HO RIALO MORENA. 'Me a re eitseha ha ba fihla moo mohlomphehi a tlileng ho itlhahisa kalaneng, ha thoe, “Moea o Halalelang o ile oa kena ka phaposing, hoba leseanyana le ne le lutse hantle mono, le ntse le kuruetsa le bapala, le ntse le tsoella joalo.” Le sa hloke karo ea letho. Lingaka li ne li sa tlameha ho etsa karo. Morena o ile a etsa lesea oporeishene, ka Matla a Hae a maholo, a maholo. 'Me leseanyana le lutse mono, le ntse le bapala holim'a bethenyana, le—le 'mè le ntate ba lutse mono, le moahelani ea neng a batla a belaela ntho eo kaofela; Boteng bo le teng. Haeba eo e se tumelo ea boapostola, ha ke tsebe seo e leng sona.

⁸ Le a tseba, Bible e boletse, mohla Jesu, ka moapostola Petrose le Johanne, ba folisitseng monna ea holofetseng khorong, “Ba sitoa ho bua letho khahlano le eona, hobane monna eo o ne a eme mono e le paki.” Kahoo, Krete o ntse a phela. Ho bokoe Lebitso la Hae. Ke matšelisano a makaakang matsatsing ana! Joale, ke bo le bong feela har'a mapaki a mangata. Empa seo e leng sona letsatsing lena, ho fumana hore 'ona Molimo oo, ka liketso tse tšoanang tse hlolang, tsona tseo A li entseng, O e etsa ka ho tšoana le kajeno, hobane esale Eena maobane, kajeno, le kamehla. Re motlotlo ho fumana monyetla oa ho phutheha hoseng hona ka Lebitso la Hae.

⁹ Joale, le re rapelle ha re ntse re tloha sebakeng ho ea sebakeng se seng, ho sebeletsa Morena ka boemo boo A tlang ho re bitsa ka bona. 'Me re thabetse hore ha e tsoe tabernakeleng mona feela, empa ho tsoa hohle, naha ka bophara.

¹⁰ Kea leboha, khaitsetli. Eo e ne e le ntho e tšepahalang. Ke a tseba hore Molimo o moholo oa Leholimo o bone u etsa ntho e tšoanang. Mofumatsana, e monyenyanane haholo ho feta e mong, ea lutseng mona. 'Me ke mosali ea bileng temeng ea Morena, lilemo pele ke hlaha, eena le monna oa hae; lilemo tse mashome a mahlano le ho hong, a ntse a rera Evangeli. O sebetsa morafong oa mashala, ho mo tšehetsa temeng, ho rera Evangeli eo ke e emetseng. Mosalimoholo o ne a lutse ka pele, a se na fene, a phumula mofufutso sefahlehong a hae; mosali e monyenyanane a ema 'mea a mo tlisetsa fene ea hae. Ka hona, kea le bolella, ke thabetse ho phutheha hoseng hona le batho ba joalo, e a nthabisa ho ba Mokreste, le ho phutheha 'moho le batho ba Bakreste.

¹¹ Joale ho chesa haholo naheng ea rona, le naheng eohle hona joale. 'Me re lebeletse ho fihla ha sehla sa hoetla, mohla ho tla phola-phola. Kopano ea rona e kholo e latelang eo re e tsebang e San Jose, California. Ke hona moo re neng re le teng lebaleng la lipontšo matsatsi a 'maloa, 'me ho phuthehile bongata bo bokaale, re ke ke ra khona ho ba hlokomela. 'Me tsona lihlopha tseo li tšehetsa likopano tse tla latela hona joale mabaleng a lipontšo a San Jose. 'Me re tšepa haeba u lula haufi le moo, kapa metsoalle, ngola u ba bolelle ho etela kopano. Haeba ho se joalo, le re rapelle.

¹² Joale, kajeno, ke boletse hore ke tla ba mona hoseng hona, ho kopanela merapelong le lithapeling ho Morena, hammoho le batho tsohle. 'Me ha baeti ba le teng har'a rona, re masoabi ha mohaho oa rona o sa pholise moea, re mpa re le kereke e futsanehileng, ho latela lithepa tsa lefatše, empa re ruile Tumelong e 'Musong oa Molimo. 'Me re le amohela ketelong ena e khutšoane, ho le rapella ho khutla le ho ba le rona hape. Ka tsatsi le leng re tšepile ho ba le kereke e betere.

¹³ Ha re hakaalo holim'a meaho ea likereke matsatsing ana, hobane re lumela ruri, ka lipelo tsa rona tsohle, Morena Jesu o tla haufinyane. 'Me holim'a baromuo ba le tšimong, ba rera Evangeli, ba sa roala lieta, ba ja hanngoe ka letsatsi, re ka aha joang kereke ea lidolara tse milione pontšeng ea seo? Ke—ha ke e bone, ebe ho thoe, "Morena o tla haufinyane." Ha re keneng tšimong le ho etsa seo re ka se khonang molokong ona. Haeba e mong a le teng, ha . . . Ba tla arabela tsa bona; re tla tlameha ho arabela sena. Ha ke khone ho seohela meaho eo ea lidolara tse limilione, le joalo-joalo, ka mor'a ho ba lebaleng le ho e bona.

¹⁴ Joale, ho hotle. Ke nahana hore ntlu ea Morena e lokela ho ba monate. 'Me e lokela e be e—e sebakanyana se halalelang. Ho

etsa hore e phutholohe e be ntle kamoo ho ka khonehang, empa ho se letho le fetelelitsoeng, hobane ha re utloisise seo.

¹⁵ Joale pele re rapela le ho bala Mangolo, ke ne ke batla ho fana ka . . . e seng ho rera hoseng hona, empa ho lekechara ka Mangolo. 'Me hangata ho tla . . . Ke etsa sena feela kerekeng ea ka, 'me re kerekeng ea rona. Ha re phutheho ea bolumeli. Re litho tsa malumeli a fapaneng, ka tlhaho, 'me ha re ikamahanye le likereke life ho latela mecha ea bolumeli, empa re amahanngoa le balumeli bohle ba likereke tsohle le batho ba lichaba tsohle lefatšeng lohle. Kereke ea rona e nyenyane, hoseng hona, e tsehala lefatšeng lohle. Litheipi tseo le . . . Melaetsa ena, leha e khabetsoe likotoana hakana, leha ho le joalo re tšehetsa, masimong a boromuo, (ke lichaba tse kae tse fapaneng tsa machaba?) lichaba tse leshome le metso e robong tsa machaba, ka liteipi feela.

¹⁶ Lichaba tse fapaneng tse leshome le metso e robong li nka Melaetsa le ho e fetolela. E mong, ha ke ntse ke rera, e mong o ema mono a ntse a rera le eona hantle. 'Me ba kena ka matlung le metlotloaneng moo Molimo o sa tsejoeng, 'me ba rerela bahetene, le ho bataala ba Afrika le Amerika Boroa, le lefatšeng ho pota, 'me ba tla ho Morena ka makholo a atisoang ka makholo. Ba bangata ba ntse ba folisoa. 'Me ka lona lebaka leo re utloa ho le bohlokoa ho hatella Molaetsa, e seng ho tsitlallela meaho e meholo le joalo-joalo.

¹⁷ 'Me ha ke le mona, ke nka lithuto tsa Lengolo feela. Empa, kantle tšimong, ha ke rere Lithuto life tsa kereke, hobane, ho etsa joalo, ho a thatafatsa. Batho ba tla re "Thuto ha e a loka," kapa ntho e kang eo. 'Me ha u rera e 'ngoe . . . Ha nka rera thuto ea Methodise, Mabaptise a tla hanana le 'na. Ha nka rera ea Baptise, ke moo Luthere e tla hanana. Ha nka rera Pentekosta, Manazarene a tla hanana. Ha nka rera Nazarene, church of God e tla hanyetsa. Ka hona, u a bona, u tlameha ho emela ntho e itseng, empa, boemong ba pono ea masimo a tšebetso, re amohela molumeli e mong le e mong feela, ho sa tsotelehe tumeloana ea hau kapa phutheho ea bolumeli bofe. Ha feela u tsoetsoe labobeli ka Moea oa Molimo, u moena le khaitsetsi ea rona. 'Me re ikemiselitse ho e boloka e le joalo kamehla.

¹⁸ 'Me hape, ha Morena a ratile, kajeno, ke batla ho rera, kerekeng ea rona, kereke ea rona e emela Thuto ea Bibe, seo kereke e se emelang, le hobaneng re etsa sena. 'Me ka ho etsa joalo, re tlamehile ho thea kapa . . . ha rea ikemisetsa joalo, empa re ka tšoha re hlhisa lipotso kelellong ea motho e mong, ho re, "Be, ha ke eso rutoe ntho e joalo, kapa ho E lumela ka mokhoa oa *hore-le-hore*." (Ke a u leboha.)

¹⁹ 'Me haeba ho ka etsahala . . . kereke ea hau e sa lumele, kapa u sa lumele feela lintho tseo re buang ka tsona joaloka Thuto ea kereke ea rona, re tšepa e sa tl'o tlisa khopiso ea letho ho

hang. Hobane, mohato oa pele ho isa Bokresteng bo atlehileng, le ho bontša hore motho o amohetse Moea o Halalelang, ke boikokobetso, boikokobetso ba sebele bo abiloeng ke Molimo, hore E tlameha ho abjoa ka boikokobetso. Empa, leha ho le joalo, kereke e se nang Thuto e tšoana le hlapi e rekereke feela; ha e na mokokotlo. Kahoo, re tlameha ho ba le mokokotlo ho eona. 'Me hape e seng mokokotlo, empa meno, hape, hobane Kereke ea Molimo e lokela ho ja Bohobe ba Bophelo.

²⁰ 'Me rona, litlhabisong tse ling tseo nka li etsang, ha nka leka ho E khokhothela ka thata, joale ka kopa le se E utloisisa hampe. Hore, ha ke ikemisetsa ho khohlalaha, ka ho ruta Biblese. Empa haeba 'na, lilemong tse mashome a mararo tsa hlahlobo, ke sa nke litumeloana kapa letho haese Lentsoe feela. . . Ho na le batho mona e leng Presbeteriene, Katolike, Baptise, Pentekosta, Nazarene, church of God, Pilgrim Holiness, bohle ba lutse mona. 'Me ke a tseba hore kereke ka 'ngoe e na le tumeloana ea eona, 'me ha ke batle ho sitisa seo, empa ke leka feela ho hlalosa Lengolo le ho le bapisa ka Lengolo. Kahoo joale bohle—bohle ba tla utloisisa hore ha se ho khohlalaha. Ke ka lerato feela le maikutlo a lerato, le ka mohau, le ka bokhabane boo ke bo tsebang ho hlalosa Mangolo.

²¹ 'Me joale sehlooho hoseng hona e tla batla e sehlooho se se lelele, 'me ha ke batle ho potlaka. Ke batla ho nka nako ea ka ka seo ke tlang ho se bua, le ho leka ho se hlalosa, hobaneng re e bua.

²² Hangata likopanong, motho o tla re, "Joale, ebe o lumela eng? Na esale Mobaptise, le joale? Na ke Mopentekosta? Na o lumela ho bua ka lipuo? Kapa, na ke *sena*, kapa *sane*? Na ke motšehetsi oa tšireletso ea Bosafeleng? Kapa, ke eng?" 'Me ha u ka bua hang feela ka eng eo u leng eona, ba tla ngala joaloka litapole tse chesang. Ho sa tsotelehe, ba ke ke ba ema ho mamela, ho ela hloko, empa ba tla u ngala kapele.

²³ Ha ho sebaka likopanong tsa ka, nako efe, moo ke tsebileng nkile ka siea pherekano har'a baena. Kamehla ke rera ho Tla ha Morena, poloko, le—le pholiso ea Khalalelo. Taba eo ha e hlabehise motho ofe oa Full Gospel.

²⁴ Hape ka hare ho kereke mona, ke tšoere Thuto ea rona. E lutlela har'a batho ba tlang, le ho re, "Be, ke. . . Moena Branham o buile *hore-le-hore*, lintho tseo." Be, re tlameha ho ba le Thuto.

²⁵ Joale, haufinyane tjena kopanong, ha motho a botsa sehlopha sa bareri. Bangoli ba ka le bona ba teng. Mangolo a mangata, ngata a kena, 'me ho itsoe, "Na Moena Branham o lumela ho—ho baballa kapa ho boloka, tšireletso ea molumeli?" Be, ke tsebile, ka har'a sehlopha sa molao se neng se botsa seo, nka thatafalloa ho e bua; ba ne ba tla "tlosa matsoho" hantle kapele. 'Me seo ha se etse phapang e nyenyane hore u lumela seo kapa che; ha feela u bolokehile, ke eona ntho ea sehlooho. 'Me ha ke a bua letho. 'Me

likereke tse leshome le metso e tšeletseng tse fapaneng li ile tsa ikhula ho tšehetsa, le a bona eona . . . hobane ke hanne ho araba, ka lebaka la ho boloka kopano ea setsoalle le batho.

²⁶ Joale, ka hare ho kereke hoseng hona, ke batla ho hlalosa hobaneng ke lumela seo ke se lumelang.

Ha re rapeleng.

²⁷ Morena, Ea tsositseng Jesu hape bafung, 'me oa re nea Eena e le Sehlabelo sa lerato la Hau ho rona, 'me ka hlatsuo ea metsi ka Lentsoe, O halalelitse batho ba ikhethileng, sehlopha se bitsitsoeng, 'me re emetse ka mamello ho Tla ha Hae Labobeli. 'Me re a tseba hore, mahlong a batho, ho na le litumeloana le mekhatlo e mengata ea malumeli. 'Me, Ntate Molimo, re U rapela ho hlohonolofatsa e mong le e mong oa bona. Le kemo eo ba e emelang, leha re ka hanana le bona linthong tse ngata, koana, ka molao-motheo, joaloka Bakreste le baena, re ema lehetla ka lehetla le bona. 'Me e seng feela lehetla ka lehetla, empa pelo ho pelo. Letsatsing la monyemo, mohla banna ba leng lihlooho-thata le baikhohomosi, ba ratang menate ea lefatše ho feta Molimo, rea rapela, oho Molimo, hore Moea o Halalelang o tle o tlamelle lipelo tsa rōna haufi-ufi, bohle, letsatsi ka letsatsi. Folisa bakuli hoseng hona, Morena.

²⁸ Ho na le ba tla kena kolobetsong ea metsi. 'Me re rapela Moea oa Hau o Halalelang ho ba tlatsa ka (ka) Boteng ba Hae haeba ba eso amohela tse joalo. Ba tšoaelloe hole le lintho tsa lefatše, 'me ba tlatsoe ka Moea oa Molimo, leratong le Khethihileng la Molimo, le ka kopano le batho bohle.

²⁹ Morena, ho theosa le lichaba tsa lefatše, joalokaha U nthomile, monna ea futsanehileng ea sa rutehang, 'me koana, Morena, ka ho lumela pelong ea ka, ka Uena, lintho tseo ke li lumetseng le tseo ke li rutiloeng ke Bibeletse, le ho tiisoa ke Lengeloi la Morena Le emang le le teng ho tiisa se boletsoeng, haeba e le taba ea Molimo. Hangata, batho ba nkhopotse ke le motho ea qekang. Ke Uena moahloli oa pelo ea ka. Empa joaloka Paulose oa mehleng, ea bileng a rera Bojuda ho fihlela a hapile tšepo ea batho, 'me eaba o rera Krete ea thakhisitsoeng; empa pele ebile ho hapa tšepo ea batho, e le hore Molaetsa oa hae o tle o nokoe ka letsoai. Re a rapela, oho Morena, hore U tle u noke lipuo tsa rona le kopano ea rona, ka Letsoai la Moea, ka Mali a Morena Jesu, 'me o re etse batho ba bitsitsoeng, le hore lefatše le tle le shebe 'me le bohe maphelo a rona, le ntano nyoreloa ho tšoana le rona. Re boloke re ikokobelitse, 'me re tlatsoe ka lerato la Hau le Moea oa Hau. Hoba re e kopa ka Lebitso la Eo Ea re rapeletseng ho ba bang, joale, batho bohle ba tle ba tsebe hoba re bana ba Hae, ha re ratana. Amen.

³⁰ Joale, ho lona, ke a tseba ho batla ho futhumetse. 'Me haeba ho le—ho na le sefehlamo ea se maotoana morao mona seo ba batlang ho se tliša kae kapa kae, haeba e ka bonahala e le

molengoana, ho itoketse. Ke rata feela ho bala a mang joale ho tsoa Lingoloeng tse Halalelang.

[Moena Neville o re, “Na sefahlamoena sena se a u tšoenya?”—Mohl.] Che, monghali. Eseng ha feela se ntse se le fulurung joalo. Ke lumela ho tla itokela, Moena Neville.

³¹ Ke batla le phetle le 'na Mangolong, Bukeng ea Joele, hape ke na le libaka tse 'maloa mona tseo ke ratang ho bala ho tsona, pele, ho fumana thuto, moelelo o itseng oa thuto. Pele, ho Joele, khaolo ea 1, ho qala ka temana ea 1, le ho bala ea 4. 'Me khaolong ea 2, 25 ho fihla ho 27, re tla bala bakeng sa palo ea Lengolo.

'Me lentsoe la MORENA...la tla ho Joele mor'a Pethuele.

Utloang taba ena, lōna maqheku, le mamele, lōna bohle bao ba ahileng lefatšeng. Na hoo ho etsahetse mehleng ea lona, kapa mehleng ea bontata lona?

E bolelleng bana ba lona, 'me bara ba lona ba bolelle bana ba bona, le bana ba bona ba e bolelle moloko o mong.

Se siiloeng ke bookholane...se jeloe ke tsie; 'me se siiloeng ke tsie se jeloe ke marutlè; 'me se siiloeng ke marutlè seongoane se a se jele.

³² 'Me hape temaneng ea 25 ho isa ho ea 27, ea khaolo ea 2.

...Ke tla le buseletsa ho lona lilemo tse seng li jeloeng ke tsie, lerutlè, le seongoane...bookholane le seongoane ke lekhotla la ka le leholo leo ke le rometseng har'a lōna.

Le tla ja le khore, le rorise lebitso la MORENA Molimo oa lōna, ea u entseng ka mokhoa o makatsang: 'me sechaba sa ka se ke ke sa hlajoa ke lihlong le ka mohla o le mong.

'Me le tla tseba hore ke ka har'a Iseraele, le hore ke 'na MORENA Molimo oa hau, le hore ha ho e mong: 'me sechaba sa ka ha se sa tla hlajoa ke lihlong.

³³ 'Me bukeng ea Baroma, le khaolong ea 1 ea Baroma, le temana ea 25, ke bala sena. Re tla nka ea 24, hape.

Ka baka leo, Molimo o ba neeletse litakatsong tsa lipelo tsa bona litšileng, ho hlompholla 'mele ea bona mahareng a bona:

Ba fetotseng 'nete ea Molimo ho ea ho leshano,...

³⁴ 'Me hape ho Baroma, khaolong ea 3 temana ea 4. Baroma 3, le temana ea 4, rea bala. Mokhahlelo oa pele oa temana eo ea 4.

Molimo ho se be joalo:...a Molimo e be oa 'nete, le batho bohle ba be leshano;...

³⁵ Joale re kena mohopolong o tebileng oa litaba mona. 'Me joale re...Ke lumela hore ho tla fihla nako ea ho khutlisa lintho tsohle tse sebelitsoeng hampe. 'Me re a leka, ka sohle se ka hare

ho rona, le banna ba bang ba leka, baevangeli ba baholo joaloka Billy Graham le Oral Roberts, le baevangeli ba bang ba bangata ba hlaheletseng, bareri, balisa, ba tšepahalang temeng ea bona, ba leka ho bona tsoseletso nakong ea rona. 'Me lona, bana ba Molimo, le rapella tsoseletso mehleng ea rona. Mashome a likete a lithapelo a kopana le Molimo hora e 'ngoe le e 'ngoe, bakeng sa tsoseletso nakong ea rona. 'Me ho ngoliloe Mangolong, "Ekare ha sechaba se bitsoang ka Lebitso la Ka se ka phutheha, 'me se rapela, ke moo Ke tlang ho utloa ho tsoa Leholimong." Joale, ekare ha bana ba Molimo ba phuthehile, ba rapella tsoseletso mehleng ea rona, 'me tsoseletso e sa fihle, joale phoso e tlameha ebe e le teng kae-kae.

³⁶ Joale, hopolang, hoo, ntho efe feela e ka sebetsa ha u sebeletsa molaong oa ntho eo. Matla a bokahohle a ka phethoha feela ho ea ka molao oa bokahohle. Lipolanete li ka nka khato feela ha li tsamaisoa ke molao oa lipolanete. Letsatsi le ka chaba feela ho latela kamoo lefatše le phethohang nqa letsatsi. Le hore mono, ke, ntho e 'ngoe le e 'ngoe e tlameha ho sebetsa ho latela molao oa moralo oa eona. Hoba, Molimo o entse lintho tsohle, 'me oa etsetsa ntho eo molao. 'Me joale e loketse ho phethoha, le ho sebetsa, le ho phikoloha ho ea ka molao oa ntho eo. E ke ke ea sebetsa ka nepahalo ka tsela efe kapa efe.

³⁷ Khoesa ketane holim'a seprokete, 'me u ntsoe e beha holim'a pege. U ka khona ho khatha nakonyana. Empa mokhoa o le mong feela oa ho khatha nako e nepahetseng ka ketane eo le ka mohla, ke ho khoesa seprokete se lekanang le seprokete se ka morao ho sona, le ho lebahanya masobanyana ketaneng eo, hantle feela ho nepana le seprokete, u ka khatha tema e eang kae-kae.

³⁸ 'Me ke khotsoe hoba re tšoare seprokete se phoso kae-kae. Kereke e lenama haholo bakeng sa hora eo re phelang ho eona. Phoso e mahlonoko e teng. 'Me ho a re tšoanela letsatsing lena, ho Tleng ho haufi ha Morena, ho lula fatše le ho thuisa sena le ho bona se phoso, ho fumana sesosa. U ke ke ua fumana pheko ho fihlela u fumana sesosa.

³⁹ Haeba ngaka, haeba u kena ka ofising ea hae 'me u re, "Ke tšoeroe ke hlooho, 'me mala a ka a bohloko," 'me a u fa aspirini e nyenyane, kapa ho hong, 'me a u leleka, o mpa a leka ho u tlosa tseleng feela. Ngaka ea sebele, ea makhontho e tla hlahloba bothata boo ho fihlela e fumana setho se tsoileng taolong, a ntano sebetsa ho tloha sethong seo.

⁴⁰ Ho joalo le ka 'Muso oa Molimo. Re tlameha ho fumana phoso, ebe re sebetsa ho tloha moo. Mangolo a tšoana le lengolo la ngaka.

⁴¹ Ngaka, bo-ramahlale ba sebetsang ka thata ho fumana lengolo la ngaka, le bona, bakeng sa—sa ho bolaea kokoana-hloko e itseng, lefu le leng 'meleng oa hau, joaloka feberu ea mala, kapa—kapa lefu le itseng, ba ka u fa setlolo se tla bolaea

kokoana-hloko eo ea typhoid, 'me koana e tlameha ho nehelo ka hloko haholo (. . . ? . . .), ho nehelo ka hloko, ho fihlela sena: haeba e sa lekana, e ke ke ea thusa mokuli; 'me haeba ntho e 'ngoe e ekelitsoe, e ka 'na ea bolaea mokuli. E tlameha ho abjoa ke ngaka ea lithethefatsi, ho latela lengolo la ngaka.

⁴² Ka baka leo, haeba phoso e le teng ka har'a kereke kajeno, haele moo e sa khathe tema kamoo e lokelang, maikutlo a ka ke hore re tsoanela ho khutlela Lengolong la ngaka, ho fumana hantle feela phoso, ha kereke ena e kula hoo ho nang le lefu ka hara kereke ea rona, lefu la sebe. Joale re tlameha ho fumana seo Ngaka e se laetseng, 'me re bone haeba balisa ba rona ba lithethefatsi ba re fa Taelo e nepahetseng. 'Me, hopolang, u ka eketsa se seng Lengolong le hlahlobiloeng hantle, 'me oa bolaea mokuli. 'Me mohlomong, ha ke bolele re entse hoo, empa ho ka thoeng haeba ba bang ba boralithethefatsi ba rona ba ekelitse Taelo ea Molimo ka ho hong? Haeba ba entse, ba ntse ba bolaea mokuli, ba ba lesa ho shoela sebeng.

⁴³ "Be, ke," u re, "be, haeba ba ne ba tšepahetse!" Che, boo ha se boitatolo.

⁴⁴ Monna, ngaka ea lithethefatsi, e file monna carbolic acid, mona lilemong tse 'maloa tse fetileng, ka botšepahi bo bokhoning ba hae, ebile e le k'hemisi e ngolisitseng semolao, 'me a bolaea monna eo. Koana, o ne a tšepahala. Ha ho . . . Botšepahi, ke bone botšepahi har'a bahetene, bo ka etsang hore botšepahi ba Bokreste eke ntho e itseng morao koana ea khale. Ho bona bahetene ba beha masea a bona molomong oa koena, ho le hlabela molimo oa metsi. Ha kea fumana botšepahi boo har'a Bakreste. Ke bone batho ba robalang holim'a litsenene. Le ho roba masapo a maoto a bona esale bana; ke ba bone ba nka masea le mathaka a manyenyane, le ho ba bèka le ho ba tsoaea, le ho ba lutlisa mali, 'me ka linako tse ling ba tlosa maphelo a bona. Botšepahi bo shoetseng, empa ba fositse.

⁴⁵ Joale tloong re fumane ho hong. Jobo, kapa Joele, ke rialo, ke ga- . . . hopola a re beetse motheo o moholo mona. 'Me ke seo re batlang ho se nka e le palo. O itse:

Le boelle—bolelle *bana ba lona . . . a bana ba lona ba boelle bana ba bona*, le ba bona e ba bang, le joalo-joalo, ho isa molokong o mong, e tla be e le Balichaba. Bolella Iseraele ho se phetse ho e bolela.

⁴⁶ 'Me joale Lengolo lena leo Joele a buileng ka lona le phethahala kajeno mohla rona, Balichaba, re Le amohetseng. O itse:

Hore see siiloeng ke bookholane se jeloe ke sona seongoane; . . . sona seongoane, tsie, le joalo-joalo.

⁴⁷ 'Me likokoanyana tsena, ha u ka fumana buka ea hau ka likokoanyana, u tla lemoha hoba likokoanyana tse 'nè tseo tse fapaneng ke kokoanyana e ikemetseng ka mekhahlelo e mene

e fapaneng ea bophelo ba eona. Bohle rea tseba hoba e—hoba e—e mokone ha se letho haese seongoane se khurumelitseng, 'me o tla qhotsa serurubele; 'me serurubele ke seongoane pele se qhotsoa. Bookholane, tsie, le tse joalo-joalo, ke ntho e le 'ngoe. Ke kokoanyana e tsoanang. Joale sohle se . . .

⁴⁸ Joale mamelisang. Se etsahetseng lebakeng la pele, ka kokoanyana ea bookholane, e mpile ea fetoha seongoane, hamorao. 'Me seongoane sa fetoha tsie, hamorao. 'Me se qalileng tšimolohong, e sa ntse e le eona ntho e hlahisang bothata kajeno. 'Me ha re khutleleng morao joale Mangolong 'me re fumane se qalileng.

⁴⁹ Joale, re a tseba hoba re ka haha kereke feela, pele, ka thepa eo Molimo o re neileng ho haha ka eona. Ke phetho seo re se tsoereng. 'Me kea nahana, pele. . . Kea tseba hore Sena se matla, 'me Se teiping, makholokholo a batho lefatše bophara a tla utloa. Empa pele re ka fumana moaho oa Kereke ea Molimo, re tla lokela ho busetsa lintho tseo tsohle tse jeloeng ke likokoanyana tsena ho Eona. Re tla tlameha ho khutla ho fumana seo likokoanyana li se jeleng. 'Me ka pel'a Morara ona oa Morena, sefate sa Morara. . . Eena ke Morara; rona re makala. 'Me le pele re ka fumana, kapa Kereke e ka ema ka matla a eona a semmuso le a mantlha, re tla tlameha ho khutlela morao ho fumana seo likokoanyana li se jeleng. 'Me Kereke eo e tla lokela ho khutlisetsoa ho seo, ho seng joalo e ke ke ea ema matleng a eona le khanyeng ea boemo ba eona ba pele.

⁵⁰ Haeba lekhapetla le khoebotsoe sefateng, re tlameha ho khutlisetsa lekhapetla holim'a sona hape. Ho melisa lekhapetla, pele. U ke ke oa fumana liapole ho fihlela u melisa makhapetla. Hobane, lekhapetla ke mothapo oa lero. Mothapo oa lero ke mocha oa bophelo.

⁵¹ 'Me Mangolo, Bibe e Halalelang ea Molimo, ke mothapo oa Bophelo ho kereke efe feela. Re ka nyolla joang lero la morara ka lekhapetla la sikamora? E ke ke ea sebetsa. Re tlameha ho fumana lekhapetla la Morara. Re tlameha ho fumana lekhapetla la pele. 'Me lekhapetla leo le ka khutlela ho Morara oo feela ka mokhoa o le mong, ke ha Molimo o le melisa, ka Sebele.

⁵² Re ke ke ra bopa a mang ra a qhamachisetsa teng. E ke ke ea sebetsa. Ha ho leano le entsoeng ke batho le tla sebetsa le ka mohla. E qosa tsela ea Molimo kapa e ke ke ea phela. Merero e entsoeng ke motho e ke ke ea sebetsa. U ka phuthela sefate ka lesela, le ho re, "A le mele." Lesela leo e ne e se lenaneo la Molimo. E tlameha ho ba lekhapetla, mothapo oa bophelo, 'me ha bo tsoa metsong, bo tla hlahisa bophelo bo tsoanang le ba sefate pele likokoanyana li se ja.

⁵³ Ha ho makatse re sa fumane matšolo a pholiso. Ha ho makatse ha likereke li qhaqhehile. Ha ho makatse e mong a ka re, "Oh, *sena, sane*, le se *seng*," ho se lumellane hakaalo. Ha ho

makatse ho hlahile li-isms tse tjena har'a rona, ke hobane re sitoa ho beha litholoana tsa sebele tsa mamello, tiisetso, molemo, bonolo, mosa. Mothapo oa Bophelo o thefutsoe Sefateng, 'me re ke ke ra bo hlahisa ka litumeloana tsa lesela la mofuta kapa lekhapetla lefe la phapanyetso. Ho tla qosa matla a Molimo o Matlaohle ho melisa sefate seo ho se khutlisetsa maamong a sona hape.

⁵⁴ Na Jesu ha a bolela, 'me Mangolo a boletse, "Ho ba le mahlo le ho se bone, le litsebe le ho se utloe?" Ha ba e khone feela. 'Me ha ho motho ea ka tlang ho Molimo, kapa ho Kreste, ho fihlela Molimo o mo senolela eona.

⁵⁵ Ka letsatsi le leng ha ke bua, 'me re nahanne ka Lengolo. Ka re, "Hobaneng batho ba sa bone Seo?" Ka re, "Ke eo," 'me ka tsoa tsoa ke nahanne. Ha ke tsotelle hore E hlakile hakakang, hore Lengolo le ka E ruta hakakang, u ke ke oa E bona ho fihlela Molimo ka Sebele a u bontša Eona; ho sa tsoetelehe E hlakile hakae. 'Me Bibeletse eohle e ahiloe, 'me Kereke eohle ea Molimo o phelang, e hahiloe holim'a tšenolo ea moea ea Lentsoe. Hobane'ng Abele a hlahisitse sehlabelo se molemo ho feta sa Kaine? Hobaneng Abele a sa sala Kaine morao; o ne a e-na le kereke e ntle ka ho fetisisa? Empa e ne e senoletsoe eena.

⁵⁶ Mohla Jesu a neng a tsoa Thabeng ea Phetolelo, 'me ba itse...

"Ke le Mora motho batho ba re Ke mang?"

⁵⁷ "E mong o itse 'Elia,' le e mong a re U 'moprofeta,' le joalo-joalo."

A re, "Empa lona le re Ke mang?"

Petrose a re, "U Kreste, Mora Molimo o phelang."

⁵⁸ A re, "U lehlohonolo, Simone, mora Jona, hoba hase nama le mali tse u senoletseng hona. Ha u a ithuta eona ka libuka tse itseng, kapa ka seminare ea mofuta, kapa seteishene se itseng sa morero o entsoeng ke motho. Empa Ntate oa Ka ea Leholimong o u senoletse seo, 'me holim'a lejoje lona Ke tla haha Kereke ea Ka, 'me likhoro tsa lihele li ke ke tsa E hlola." Ke moo, tšenolo ea moea ea Lentsoe la Molimo.

⁵⁹ Ho Mattheu 11, kea kholoa ke eona, kapa 12, kae-kae mono, ho ngoliloe, ho thoe, "Leha Jesu a ne a entse mehlolo e mengata hakana, mehlolo e mengata hakana hore E ne e le Messia, koana batho ha ba ka ba e lumela. Hobane Esaia o boletse, 'Ba na le mahlo 'me ha ba bone. Ba na le litsebe 'me ha ba utloe.'" Joang? Leha e ne e le barutehi, leha e ne e le baithuti ba qahameng; ba ne ba halalela, ba se na molato ba se na sekoli. Enereha ha ba fihleloa ba fositse ka jota e le 'ngoe, ba ne ba tlepetsoa ka majoe, ho se mohau. Ho se motho ea ka supang hoo ka monoana. Ba ithutile Mangolo, bosiu le motšehare, moloko ka mor'a moloko, 'me koana Molimo o ntse o ba fofalitse mahlo.

Ho re, “Molimo o entse joalo?” Ke seo A se buileng.

⁶⁰ Molimo o etsa seo O batlang ho se etsa. Re ke ke ra Mo bolella hoba ho etsoe eng. Na Pauluse, Bukeng ea Baroma, khaolong ea 8, ha a bolella seo, “Molimo o hlalositse Faro oa mo thatafatsa pelo, oa fofatsa mahlo a hae, ka morero 'ona ona, hore thato ea Oona e etsoe”? Na e ne e se Esau? Le Jakobo. . . Esau, ea hannaeng, le pele moshanyana a hlaha; Molimo oa mo nyelisa. Le a bona, tsohle li sebetsa ho ea ka boitherelopele bo boholo ba Molimo. Hase Eo ea robalang. O tseba hantle.

⁶¹ 'Me re ahlola batho ka ea bona. . . ekare ho joalo, ka botšepi ba bona kapa mahlonoko a bona. Re ahlola likereke ho ea ka tsoelo-pele ea tsona. Rea ikopanya, re nka baevangeli, hobane ba le baholo. Ha se Eona.

⁶² “Maholimo le lefatše li tla feta, empa Lentsoe la Ka le ke ke la feta.”

⁶³ Se siiloeng ke bookholane, se jeloe ke seongoane. Phoso e teng, kae-kae, hobane Lentsoe la Molimo ke Bosafeleng feela joaloka ha le Oona e le Bosafeleng. 'Me Lentsoe la Molimo le ke ke la hloleha joaloka ha Molimo o ke ke oa hloleha, ka Sebele. Joale, phoso e teng, kae-kae.

⁶⁴ Kahoo tloong re khutleleng morao hona joale. Re behile motheo joale. Ha re khutleleng morao, re nkeng temana ea rona ho Baroma 3:4, “Lentsoe la motho e mong le e mong e be leshano, 'me Lentsoe la Molimo e be 'Nete.”

⁶⁵ Ke tlil'o khokhothela sena ka thata, 'me ke batla hore le mamele. “E ke e be Molimo, 'Nete.” Tloong re imatahanye le seo Molimo o se buileng, ho sa tsoetelehe seo motho e mong a se buileng. Ke batla ho sebelisa lintho tse 'nè tse fapaneng tseo ke li bonang Lengolong, tseo likokoanyana tsena li li jeleng Kerekeng ea Molimo o phelang, 'me li holofalitse Morara oa Molimo, kapa ho khokhofana.

⁶⁶ Re tla lumela, lona Mamethodise le tla lumela, lona Mabaptise le tla lumela, lona Mapresbeteriene, lona Mapentekosta, lona Manazarene, le a lumela bohle, tabernakele mona e a lumela, “Phoso e teng.” 'Me rona, tabernakele, re molato joaloka ba bang kaofela, hobane, “Ea tsebang ho etsa botle, 'me a sa bo etse, ho eena ke sebe.”

⁶⁷ Joale ha re khutleleng morao. 'Me ke batla ho tlaleha lintho tse 'nè, ho latela Mangolo kamoo ke tsebang kateng, tseo likokoanyana tsena li le jeleng Kerekeng, ho tloha boemong ba Eona ba pele, ba mantlha.

⁶⁸ Joale, ntho ea pele, kereke e theiloe ka Letsatsi la Pentekosta. Petrose o rerile e—e thero ea hlomamiso tšebeletsong ea kapeso, mohla Kereke e neng e tsoaloe. Kereke ea Bokreste e tsoetsoe ka Letsatsi la Pentekosta. 'Me haeba Molimo e le mohlokapheletso, ha a na pheletso, 'me a ke ke a fetoha, Kereke ea Hae e loketse

ho lula kamoo E neng e le kateng tšimolohong. Na le lumela seo? Kereke e tlameha ho lula e tšoana le kamoo E neng e le kateng.

69 Empa motho o qekile ka Lona, ho itlhalosetsa Lona ka botho. U se ke oa leka ho itlhalosetsa Lentsoe la Molimo. Bua feela seo Le se buang. Ha ke tsotelle kamoo Le leng leng kateng, imatahanye le Lona feela, ke phetho. U se ke oa fetola Lentsoe. Bible e boletse ho re, “Lengolo ha lea itlela ka boitlhalosetso ba motho.” Ha re na tokelo ho bua lintho tsena; re tlameha feela ho Le bala le ho bua hantle feela kamoo Le boelang, le ho Le lumela ka mokhoa o tšoanang. Ha ke tsotelle hore na Le bonahala e le bohlanga haka; Le lumele, leha ho le joalo.

70 Sefala ha se sebaka sa motlae. Ke sebaka sa botšephehi. Ha ke bolele taba ena e le motlae. Ke bolela sena ho qotsa ntho eo ke e boleletsoeng. Ha thoe, moena oa khale oa bammala tlase ka boroa, o ne a khoatse Bible, ‘me mong’a hae o ne a mo soma. A re, “Ha u khone ho E bala; u E jaretse’ng?”

71 A re, “Ke E jere hobane ke E lumela.” Ke lebaka le letle leo. “Ha ke khone ho E bala, empa ke a tseba ho hong ho teng ka ho Eona. Ho lokile.” A re, “Ebile ke lumela ‘civer’ e kantle ho Eona. E ngotsoe ‘Bible e Halalelang’ ho eona. Ke a E lumela.”

72 A re, “Ntho efe eo Bible e ka reng u e etse, kea kholoa u ka e etsa?”

73 A re, “E, monghali. Haeba u e balile Bibeleng, ke tla e etsa haeba e le Taelo ea Molimo.”

74 A re, “Joale ho ka thoe’ng haeba ke bala Bibeleng eo, ‘me ke u boleletse hore Morena o itse u qhome u phunyeletse leboteng leo mono, lerako lane le lehola la majoe? U ka tlola joang oa phunyelesa lerako la majoe ho se lesoba ho lona?”

75 A re, “Haeba u bala seo Bibeleng, ‘me Morena a mpoletse ho tlola, O ne a tla be a entse lesoba mono ha ke fihla mono.” ‘Me ho lokile.

76 Molimo o rialo, ho sa tsotelehe Le bonahala bosaoana hakakang, u hate u tsoelepele holim’a Lona. Ho ho Molimo ho hlokomela tse ling tsohle, ke taba ea Hae eo. Ke ts’oanelo ea hau ho nka khato.

77 Joale e ‘ngoe ea lintho tsa pele tseo ke ratang ho bua le lona ka tsona metsotso ena e ‘maloa. Hoba re fumane motheo o tlameha ho ba oa mantlha, e tlameha ho khutlela motheong, e tlameha ho khutlela moo e neng e le Morara. Haeba phoso e le teng ka eona, ‘me Morara o sa sebetse hantle, ha re khutlelang morao ‘me re fumane se phoso.

78 Joale, e ‘ngoe ea lintho tsa pele eo ke ratang ho e bolela, ke hore ntho e tlohile kerekeng ea rona, e ‘ngoe ea lintho tsa sehlooho, ke Tumelo. Batho ha ba na Tumelo kajeno joaloka ha ba entse letsatsing leo. Lerutlè la mofuta, la mohlahloe o itseng, le kene ‘me la ja mothapo oa Bophelo oa Tumelo. Ba E fetotse.

Kajeno tumelo ea bona e lutse holim'a e—e phutheho e kholo ea kereke ea mofuta. Empa Juda o re boleetse, ho Juda temana ea 3. E itse:

Baratuoa, . . . erekaha ke chesehela ho le ngolla taba tsa poloko eo re e hlahiselitsoeng hammoho, ke phehelloa ke pelo ho etsa joalo . . . (Ke E ts'oere mona ka pel'a ka.) . . . *ke tlo le khotatse ho loanela tumelo eo bahalaleli* (e seng tumelo feela; Tumelo eo) *ba ileng ba e fua ka nako e le 'ngoe.* (Mono e le lilemo tse mashome a mararo a metso e meraro pele ho sena, Tumelo ena e ne e lokolloe.)

⁷⁹ Joale, e seng. . . Batho ba re, “Oh, Hoo ho khahlano le tumelo ea ka.”

Tumelo e 'ngoe feela. “Morena o mong, Tumelo e 'ngoe, le Kolobetso e 'ngoe.” U ka 'na oa ba *le* tumelo, empa rona re batla Tumelo eo. *Ho loanela ka tieo*, ke hore, “qophella,” ho ema, “ho emla.”

. . . loana ka tieo bakeng sa tumelo ekileng ea neeloa ho bahalaleli.

⁸⁰ Ba ne ba bitsoe bahalaleli neng? Mohla ba neng ba halaletsoa. Moea o Halalelang o ba halalelitse. Ba ile ba bitsoa bahalaleli. Joale Juda o re, ngoan'eso, ngoan'abo Jesu, “Ke batla hore le loanele ka cheseho Tumelo e kileng ea fua bahalaleli. Le se lumelle Tumelo eo ho heleha le ka mohla.”

⁸¹ 'Me Tumelo ea bahalaleli e ne e se ka har'a litumeloana, e seng ka liphuthehong tsa bolumeli, e seng ka meahong ea likereke, e seng ka lilekaneng, empa e ne e le ka pel'a Sefahleho sa Molimo o phelang. Ba ne ba na le Tumelo ea ho folisa bakuli, ho leleka matemona, ho etsa mehlolo. Litšepiso tsohle tse kholo tseo Jesu a li entseng, kereke eo ea pele e ile ea itšoarella ho Seo. E ne e le mothapo oa Bophelo.

⁸² Mamelang mona. Mamelang ka hloko seo ke batlang ho le bolella sona. Boteng-ba-kamehla ba Molimo o phelang ke mothapo oa Bophelo oa kereke efe kapa efe kapa sehlopha sefe kapa sefe sa batho, Boteng-ba-kamehla ba Molimo o phelang ho sebetsa, le ho etsa, le ho nka khato, le ho phela le batho joaloka ha A entsa tšimolohong. Haeba Boteng ba Molimo o phelang bo hlahisitse pentekosta ka matla, ka lipontšo, ka meeka, bo tlisitse batho ba tletseng Khanya ea Molimo hoo ba bileng ba hoeletsa ba bua ka lipuo tse ling, le ho tloha ba ea shoela Tumelo, ha re loeleng Tumelo eo ka tjantjello ho fihlela lefu le re lokolla. E Loeleng ka cheseho. Re ke ke ra tenyetseha, ka ho bala libuka, ho nka thuto ea bolumeli e entsoeng ke motho. Re ke ke ra tenyetseha, holim'a litumeloana tse ling kapa libuka tse ling tsa merapelo, kapa ntho eo motho e mong a e buileng.

Tumelo ea ka ha e a ahoa holim'a letho
Haese Mali a Jesu ka ho loka;

Tsohle tse likileng moea oa me li fela matla,
Joale Eena ke tšepo ea ka eohle le ts'iea.

Hoba ke ema, holim'a Kreste, Lefika le thata;
Libaka tsohle ke lehlabathe le tebang.

⁸³ Ha ho tumeloana haese Kreste, ha ho molao haese lerato, 'me ha ho buka haese Bibeletse. Ha ho libuka tsa tumeloana! Bibeletse e tlamehile ho e bolela. Bibeletse ha e a tlameha ho E bua feela, empa ho E bua nako le nako ka ho tšoana, ho tlameha ho E bolela ho tloha ho Genesetse ho isa ho Litšhenolo. E tlameha ho kena tepong e 'ngoe le e 'ngoe e nyenyane, le ho lohella karolong e 'ngoe le e 'ngoe ea Lentsoe. Haeba e sa etse joalo, joale etlaba tlhaloso e phoso ea Eena, hoba Molimo o ke ke oa hanyetsa Lentsoe la Oona ka Sebele. Haeba E sa bua ntho e tšoanang le mosifanyana o mong le o mong!

⁸⁴ Haeba hempe ena mona, e lohilo e hohle ka khohlenyana e tšoanang, ke eona e etsang seo e leng sona. Ke eona e etsang hore e be tšoeu.

⁸⁵ Ke seo Kereketse e leng sona. Haeba e tla ba Kereketse e tšoeu, e tsoetsoeng labobeli, e se nang letheba, e se nang lesobebe, e tlameha ho lohuoa ka khareng ea mofuta o tšoanang le o e qalileng, ka Letsatsi la Pentekosta, boiphihlelo ba Moea o Halalelang, ho chesoa le ho lohuoa. U ke ke ua eketsa sekotoana sa lithapa tse bolileng. U ke ke ua eketsa sekotoana sa mokotla oa burlap ho eona. Se ke ke sa sebetse. Se tla e senya.

⁸⁶ Mofuta o itseng oa marutlènyana a khale a kene 'me a jele Tumelo eo. Ba ema ba re, "Ke lumela ho kereketse e halalelang. Kereketse e halalelang ea Roma e Katolike, ke lumela ho eona."

⁸⁷ Ke lumela ho Jesu Kreste, Mora oa Molimo. Ke lumela hore esale Eena maobane, kajeno, le ka kamehla, 'me Tumelo le Matla a tsoho ea Hae li phela ka hare ho 'na kajeno. Hobane A phela, le 'na kea phela. Eseng ka baka la tumeloana, e seng ka baka la mokhatlo oa phutheho; empa hobane Kreste o a phela. 'Me ke ka ho Kreste, ke phela ka Eena, le 'moho le Eena, 'me ke phela ka Eena. 'Me Bophelo ba Hae Bo itoha ka 'na. Haeba Bo sa etse joalo, joale nke ke ka ipitsa oa Hae. Ha A nke hloho ea ka feela; O nka pelo ea ka, metsamao ea ka, ntho e 'ngoe le e 'ngoe ea ka, 'me o Itsoaketsa ho eona.

⁸⁸ Oa Itsoaketsa Lentsoeng. Lentsoe le ke ke la bua ntho e 'ngoe, sebaka se seng, le ntho e 'ngoe sebakeng sena se seng. 'Me ke a tseba Le ngotsoe joalo. Le ngotsoe joalo ka morero. Jesu o boletse joalo, 'me a leboha Molimo, haele moo A—A ne a "e patetsoe mahlo a ba bohla le ba masene, le ho e senolela masea a tlang ho ithuta." Ke morero oa Molimo ho etsa joalo. Eena . . .

⁸⁹ Hobaneng A kile a lumella moetsalibe ho tla? O ne a loketse ho lumella moetsalibe ho tla, ka morero oa hore E be Mopholosi. O moholo ho feta sebe. Eena . . . ho ke ke ha lumelloa sebe se be teng, O ne a sa tlameha ho lumella Satane ho etsa sebe sa

pele. Empa lebaka leo Satane a bopileng sebe sa pele, kapa a khopamisa ho loka, ho etsa sebe, lebaka leo a e entseng, hore Molimo e tle e be Mopholosi. O ile a lumella monna eo ho kula, hobane Ke Mofolisi. 'Me O ne a lokela ho ba le toka, 'me O ne a lokela ho beha Sefate sa Bophelo le sefate sa lefu pel'a motho e mong le e mong, joaleka ha A entse Adama le Eva, ho seng joalo O entse phoso mohla A ne a e bea ka pel'a Adama le Eva. Joale ho ho uena.

⁹⁰ Joale hlokomelang Tumelo, Tumelo ea 'nete, Tumelo ea sebele, "Tumelo." Joale re nka likereke tsa rona kajeno, re shebang, shebang batho ba rona ba Pentekosta, shebang batho ba rona ba Mabaptise, Mapresbeteriene a rona, Manazarene, Pilgrim Holiness, le Branham Tabernacle, rona bohle, re molato, ka ho se loanele Tumelo eo ka cheseho.

⁹¹ Khang-nyana e ka hlaha ka kerekeng, ka hare ho Branham Tabernakele. Ke lapeng. Nka bua ka lona hona joale. 'Me ba tla theha sehlotšoana,' me e mong a eme lehlakoreng le leng le e mong ka ho le leng. Na hoo ke ho loela Tumelo e kileng ea fuaa bahalaleli hang? Na hoo ho utloahala eka ke Thuto ea baapostola? Che, monghali, moena. Ba kile ba ema tsekong ea Ananiase le Safira. Molimo e sa ntse e le Molimo o tsoanang. 'Me re bone seo se netefatsoa. Ha ho loanoe ka cheseho.

⁹² Kajeno batho baa tsoa 'me ba re, "Be, tumelo ea ka ha e rute mehlolo. Ba ruta hore matsatsi a mehlolo a fetile." Joale u ntse u sa loele Tumelo e kileng ea fuaa bahalaleli hang.

⁹³ [Sekheo lebanteng—Mohl.]... sehlopha sa bohlangya, ka bonna. Empa ke lumela ho e-na le neo ea sebele, ea makhonthe ea Moea o Halalelang, 'me re loela Hono ka tjantjello. Ho lokile. Re a Le lumela. Bahalaleli ba buoa ka lipuo.

⁹⁴ Ba re, "Ha ke lumele pholisong e Halalelang." Ha ke lumele sehlopha sa bohlangya. Empa re lumela hore Molimo o teng, hore O folisa bakuli, hore esale Eena maobane, kajeno, le kamehla.

⁹⁵ Ke bone tse ngata li bitsoa temoho ea moea, ha ke lumele ho tsona. Empa kea tseba hore ruri Moea oa Molimo o nang le temoho o teng, neo ea tsebo, o bitsang le ho bua, 'me E phethahetse ka nako tsohle. Re loela Hono ka tjantjello, Tumelo eo e kileng ea fuaa bahalaleli.

⁹⁶ Kea tseba litoro li teng, le mpana-phantloha ea—ea linama tse ncha, kapa u tletse ntho e 'ngoe esele, e u tsoarisang lisitahlohoana. U tlolela holimo le ho e bitsa pono.

⁹⁷ Pono ea 'nete e teng, ea makhonthe ea Molimo. Hantle! Molimo o e tšepisitse. "Jesu Krete eena maobane, kajeno, le kamehla." O etsa hoo, 'me ha ho mohla e tla hloleha. Bibe le boletse, "E mong har'a lona, e leng motho oa moea, leha e le moporofeta, 'me ekare ha a bua; 'me seo a se buang, se etsahala, joale le mo utloe, hoba Ke na le eena. Haeba e sa hlahe, le se ke la mo utloa, hoba ke moporofeta oa bohata." Molimo o ke ke oa

bua leshano. Molimo o re joetsa 'nete, ka linako tsohle. A ho be joalo. Joale re fumana seo e le 'nete. Li teng lintho tseo tse. . .

⁹⁸ Shebang Pauluse, mohla bosiu boo, litšepo tsohle li ne li felile, liabolosi a tšeha tema ka 'ngoe etsahalang, a betla meno ka linako tsohle ha maqhubu a qhoma 'me lehalima le otlala, "Ke tla tebisa moapostola eo ka ntle mona," seketsoana sa khale, se kheleletse metsi. 'Me matsatsi le matsatsi, matsatsi a leshome le metso e mene le masiu, linaleli ha li a ka tsa khanya le ka mohla; le kamoo seketsoana seo sa khale se tsokotsehileng kateng. A ntse a itsamaela hohle, a hulanya lehlaahlela, ka lebaka la ho rera Evangeli. Allelua!

⁹⁹ Ebile ha re lumelle motho ho bua ka rona re sa phatlohe joaloka marokolo a koenyang kulo ea sethunya. Re lula re tsoelapele ka ntho e itseng. 'Me re ntano itlaleha re loela Tumelo ka tjantjello? Branham Tabernakele e hloka ho otlolloa haholo, pele, joalo ka Mapentekosta, le Mabaptise, le Manazarene. Ke ka lebaka leo re sa fihleng kae kapa kae, ha re tšepahale ebile ha re mahlonoko. Hala ra kopana le Ntho eo mono lifahleho li talimane, e etsa hore re se ke ra sisinyeha, re atetsoe ke Molimo kamehla, Tumelo e neng e fuoe bahalaleli hang.

¹⁰⁰ Seongoane sa khale sa kena, le marutlè, 'me sa se ja. "Matsatsi ohle a mehlolo a fetile. Ha o a tlameha ho etsa *Sena*. Ha o a tlameha ho etsa *Sane*."

¹⁰¹ Haeba Molimo o hlasisitse lekala la Hae la pele sefateng seo sa Morara, e ne e le lekala la pentekosta, le nang le matla, lipono, litšenolo, lipholiso, khalaletso, Moea o Halalelang, lekala le latelang e tla ba ntho eona eo. Ka sebele e tla etsa joalo. Nako le nako. . . nako le nako ha Morara oo o hlahisa lekala, le tla ba hantle joaloka ha le ne le le qalong. Uena. . . Joalokaha ke boletse bosiueng bo fetileng, ke bua le sehlopha sa baena: u ke ke oa etsa hore sefate sa morara se behe mekopu. U ke ke ua etsa hore sefate sa mokopu se behe morara. Ke 'nete. Ke bophelo ba mofuta ofe bo ahileng sefateng seo, bo a e hlahisa.

¹⁰² 'Me ha Krete a le ka har'a Morara oo, 'me Bophelo ba Krete bo le ka ho motho eo, bo tla ba joaloka Jesu, bo tla bea litholoana tsa Hae. Ke Moea oa Hae. E ke ke ea etsa letho le sele haese ho e etsa. E tlameha ho hlahisa Bophelo boo, hoba ke Bophelo bo tšoanang. U ke ke ua hlahisa feela letho le leng. Bo tla sebetsa joaloka Eena. Bo tla bua joaloka Eena. Bo tla tsamaea joaloka Eena. Bo tla folisa joaloka Eena. Bo tla bona lipono joaloka Eena. E tla hlahisa Bophelo ba Hae hantle, ka ho phethahala, nako le nako, hoba Ke Bophelo ba Hae.

¹⁰³ U mpa u le khetla feela. Motho o tšoana le phaephe ea metsi. Eena ha se Metsi; ke phaephe feela. Ntša Metsi ka ho eena, o tla tlala mafoome. Be, ke eona taba kajeno. Bongata bo bohola ba rona bo tlala mafome, ba kileng ba fumana boiphihlelo. Boloka

Metsi a ntse a phalla, ke sona se bolokang mothapo oa Bophelo o ntse o tsoela pele.

¹⁰⁴ Ke utloile mothaka a rera khetlo le leng, a re kolobe e ka seretseng, e ne e luka metsi kahohle. Ntho e fetisisang . . . Bibeletse e bua ka seo. Ntša kolobe seretseng. U theohela tlase mona, seliba se setle, le tlase mona kae-kae moo liliba tse kholo li tšolohang, holimo mono thabeng; metsi a seretse kaofela, molemo ke ho ntša likolobe ho 'ona, metsi a tle a hloeke.

¹⁰⁵ Lintho li ngata tseo re lokelang ho li ntša, pele Metsi a ka tsoa Selibeng se tletseng Mali a nkiloeng methapong ea Emmanuele, baetsalibe ba qoelang moroallong oo ba lahlehela ke likoli tsohle tsa molato oa bona, monyemo oa bona le ho fefetha, le joalo-joalo.

¹⁰⁶ Bareri ba leshome le metso e tšeletseng, hobane ba lumela . . . Ba hopotse ke lumela hoba Molimo o bolokile Kereke ea Oona le ho baballa Kereke ea Oona. Lengolo le boletse, “Ea utloang Lentsoe la Ka,” e seng ea etsang ekare o a Le utloa. Ke eo Molimo o butseng mahlo le litsebe tsa hae, ho utloa. Ha ho motho ea ka e etsang ho fihlela Molimo a bula mahlo le litsebe tsa hae. “Ea utloang Mantsoe a Ka, 'me a lumela ho Ea Nthomileng, o na le Bophelo ba kamehla, 'me a ke ke a tla Kahlolong, empa o tlohile lefung ho kena Bophelong.” Ho tla etsahala'ng ka eena? Na Molimo o buile leshano kapa O buile 'Nete?

¹⁰⁷ Na motho o nepile, kapa “Oh, u ka fumana Moea o Halalelang 'me oa bolokeha, 'me hosane u ka lahleha 'me oa ea lihlang”? U se ke oa lumela hlekehleke eo. Leo ke leshano.

¹⁰⁸ Haeba u tsoetsoe labobeli le ka mohla, tlhaho eohle ea hau e hlophisitsoe ka tsela e fapaneng. Haeba motho a kile a lengoa ka ho Krete, 'me a hlokomela Bophelo ba sefate sa Morara, bo phallang ka eena, a ke ke a hlola a beha mekopu. U ka mo tlamella o mong, empa o a tseba hore phoso e teng. O tla robala mono 'me a feheloe ho fihlela o tlosoa ho eena. O mo imela ho feta tekano; o mo kobotetsa haufi haholo le lefatše. O rata ho hola a nyoloha. U ke ke oa fanyeha mokopu sefateng sa Morara.

¹⁰⁹ Hlokomelang. Oh! “Ho loela Tumelo,” e kileng, “ho loanela ka cheseho.” Ha se feela ho loanela, empa, “ho loanela ka cheseho,” lipakeng tsa Bophelo le lefu. Re tla qhomela ho e 'ngoe. U ka lula nako e telele holim'a eo.

¹¹⁰ Ntho e latelang eo re ratang ho e bua, ke, hore lerato la boena le jeloe le tlositsoe ho morara. Lerato la boena! Jesu o itse, “Batho bohle ba tla tseba ka sena hore le barutuo ba Ka, ha le ratana, e mong ho e mong.”

¹¹¹ Be, joale ha re nkeng mohlala feela. Haeba monna a sa lumele joalo ka 'na, ke tla kena hantle phuthehong ea hae 'me ke rere le eena, ho rera seo a se lumelang feela, le ho e lesa, hoba ke a mo rata. Le tla ba tseba ka litholoana tsa bona. Haeba ba sa E lumele, 'me ba se na lerato la boena, ba oela fatše, ho se

lumellane, ho oa, “Nke ke ka amana le Eona ka letho.” Hobaneng u sa tle ho 'na le ho rerisana le 'na ka Eona? Ha u tsebe seo ke se lumelang. Le a bona? E etsa phapang efe, le hona, seo ke se lumelang? Ke Eo ke mo lumelang: Jesu Kreste. Ha ke eso tlohe kopanong, le joale, ka tatso e mpe, kamoo ke tsebang. Empa, u a bona, lerato la boena le lahliloe kaofela.

112 'Me Pauluse o e bone, Bakorinthe ba Pele 13, o itse, “A lerato la boena le tsoele pele.” Empa lerato la boena le flositsoe. Joale hlokomelang. Nako le nako . . .

113 Joale, mamelang ka hloko joale, re kena ho linama tse matla. Nako le nako ha liabolosi a tlosa ntho sefateng, re tla re lekhapetla, kokoanyana e ja lekhapetla, o e thatela ka lesela la khale le entsoeng ke motho, ho nka sebaka sa Lona. Ho thatela mothapo oa bophelo oa sefate ka lesela, le ke ke la nyollela lero litholoaneng tsa sefate. Se ke ke sa beha litholoana. Le tla oela fatše hantle. 'Me ke ka baka leo, kajeno, re ke keng ra fumana tsoseletso mehlang ea rona, ke thuto e ngata haholo e entsoeng ke motho. Mothapo oa Bophelo o ke ke oa phalla ka har'a lesela la khale. Se tla nyebella, Bophelo bo tla oela fatše hantle feela. Ke lona lebaka ha litsoseletso tsa rona li hloleha.

114 Joaloka ha Billy Graham a boletse tsatsi le leng, a le Engelane, teng a bile le tsoseletso e kholo. 'Me hona moo a neng a rerela teng, a tlameha ho balehisa mohatsa'e lirapeng tsa boikhathollo ka baka la banna le basali ba phelang boitsoaro bo hlephileng hantle kantle lirapeng tsa boikhathollo. Bothata e ne e le bofe? Masela a entsoeng ke batho sebakeng sa makhapetla a melisitsoeng ke Molimo. Ha le khone ho fetisa Bophelo.

115 Kereke e pota-potiloeng ke tumeloana e entsoeng ke motho, e ke ke ea romela Matla a Molimo makaleng. E tla re, “Matsatsi a mehlolo a fetile,” le ho E lihela fatše. Amen. Kea tseba le nkhopola ke hlanya; empa, ha ho le joalo, ntloheleng, ke ikutloa monate ka tsela ena. Le a bona? E tla liha Lentsoe la Molimo.

116 Haeba Molimo o bolela mona, “Ke 'Na Morena. Ha Ke fetohle.”

117 “Be, O fetohile letsatsing lena,” ho rialo lesela. Ho E lihela fatše. Moo e qalileng teng e ne e le mogoaheng oa pele, mohla ba neng theile liphutheho tsa bolumeli, 'me motho o lekile ho busetsa boena ka mekhatlo ea bolumeli. Lerato la boena le khaotsoe ka baka la liphutheho tsa bolumeli.

118 Mpontše lekhetlo moo Molimo o kileng oa ba le mokhatlo kapa phutheho ea bolumeli, le moo Kereke ea Oona e kileng ea eba phutheho ea bolumeli, kapa moo phutheho ea bolumeli e kileng ea tsoha hoba e khehlemane 'me ha ea hlola e tsohile hape. Joale, haesale ke bala ho tloha ke tsoa holimo mono, holim'a eona taba ena. Ke balile *Foxe Buka ea Bashoela-Tumelo*. Ke balile sengoloa sa pele sa Josephus. Ke balile li-*Babilona Tse Peli* ea Hislop. Ke balile *Mengoaha ea Pele* ka Pember, oh, le

Nicene Fathers, le pejana feela ho Lekhotla la Nicene, ka morao ho Pentekosta. 'Me ha ho eso be le mokhatlo oo Molimo o kileng oa o hlomamisa ka Bibeleng. Ka hona ha re hlomamisa re bopa mekhatlo ea malumeli, re fapoha thato ea Molimo.

¹¹⁹ Lerutlè, le bitsoang “mokhatlo oa bolumeli,” le jele lekhapetla la mantlha la lerato la boena, le ho e hlophisa, ka ho e phuthela ka lesela. 'Me Bophelo ba Molimo bo nyoloha hantle ka metso mona, Motso le Lehloanela la Davida, ha Bo qala bo nyoloha ka Moea o Halalelang; eaba mokhatlo oa bolumeli o re, “Matsatsi a mehlolo a fetile. Ha u a tlameha ho bua ka lipuo kajeno. Ha ho ntho e kang kolobetso ea Moea o Halalelang. Ha ho pholisoe e Halalelang. Seo se ne se baletsoe mongoaha o fetileng. E fetile, khale.” 'Me makala ke ana holimo mona, a sotleha, litholoana.

¹²⁰ Sefate se setle, se koenneng hantle ha sea tlameha ho fafatsoa. Hobaneng re fafatsa khafetsa le khafetsa, bakeng sa silafatso ea liboko? Re e etsetsa'ng? Ke hobane sefate ha sea koena. Hobaneng se sa koena hantle? Litumeloana le mekhatlo ea malumeli li jele mothapo oa sona oa Bophelo. Ruri! Methodise, Baptise, Presbeteriene, Mapentekosta, ba ja mothapo oa Bophelo oa sefate, ho leka ho fapanyetsa phutheho ea bolumeli, ho kenya batho bohle tlas'a lipolotiki. Molimo ha o batle ha re phuthehile bohle hammoho tlas'a lipolotiki le litumeloana. Re kopantsoe hammoho ke Moea o Halalelang, oa tšimoloho oa Molimo, o qhaqhang sebe pelong tsa rōna, le ho re etsa bang ka ho Krete Jesu. Ke 'nete, moena oa ka. Ke 'nete, khaitsetsi ea ka.

¹²¹ Seo se qalile mengoaheng ea hoseng ka mor'a lefu la Krete, le tsoho, ka mor'a lefu la baapostola. Lilemo tse makholo a mararo hamorao, ba tlisa Lekhotla la Nicene. Ke mohla ba thehang mokhatlo oa pele, oona e ne e le kereke ea Katolike. E bolelang, *katolike* e bolela “bokahohle.” Ho tsoa ho Katolike, ha tsoa kereke Luthere; ho Luther, ho tsoa Wesley; ho Wesley, ho tsoa Pentekosta. Tsohle ho theoaha, litselana—litselana tse khaoletsang ka mathoko, tse ling tse nyenyane, joaloka, oh, Nazarene, Pilgrim Holiness, le joalo-joalo, Baptise, le tseo tsohle. Kaofela li tsoile ho seo, hantle lihlopheng tse tšoanang, phutheho ea bolumeli. Ha Molimo o neha kereke tlhonlofatso, kapa sehlopha sa batho, ba hloma teratanyana e ba teelang hare, 'me mona ke hona moo ba nkang kemo ea bona. Molimo o batla ho heletsisa terata e 'ngoe le e 'ngoe.

¹²² Ke hopola khetlo la pele ha ke ea Bophirima. E ne e le mehleng eo ho phetholoang lekote, Kansas, 'me ho sunngoana koro mono. Ke bone bashanyana ba khale ba likhomo ba sa tsebeng letho ka terekere kapa—kapa eng esele, kapa ho lema koro efe kapa efe. Seo ba se tsebang feela e ne e le ho alosa likhomo. 'Me ra tloha ra kenya makoloi, le ho ala mabala a kolofa, le ho apara marikhoenyana ana a khale a mangole ao ba neng ba bapala kolofa ka ona, le lintho tseo tsohle tse joalo. Ke bona maqheku

ao a moriri o molelele, o mosoeu o leketlile tlas'a katiba ea bona, ho ba bona ba tlisa litlami le molemi oa koro, le lintho tse kang tseo, ho kenya leoto la hae qhaneng, le ho hulela katiba ea hae fatše. Hloma terata mathokong a sebaka seo; o ne a sa khone ho mamella seo. A sa tsebe letho ka ho tinketsoa ka terata. O ne a le polasing, a le nosi le Molimo. Meriri e meputsoa e leketlile tlas'a katiba ea hae joalo; a lla, likeleli. Ho e hulela fatše feela, ho re, "Ha ke khone ho mamella lintho tsena." Ho kalla a lebile nqa bolikela letsatsi.

¹²³ Molimo o re thuse kajeno ho fumana bathei ba ke keng ba mamella ho thibelloa ke phutheho ea bolumeli le litumeloana, le ho kalla ba habile nqa bolikela letsatsi; ka Tumelo e sa sisinyeheng, e kileng ea neoa bahalaleli; ka lerato la boena le robang litumeloana tsohle le metero, le ho re, "Re baena. Re bang ka ho Krete Jesu. Eng eo Molimo o e buang, re re 'amen' ka mora Eona." Re fe banna ba mofuta oo.

¹²⁴ Ee, litumeloana! Eaba ba theha seo ba se bitsang e—e Ntate oa Pele ho Nicene. Ba ile ba phutheha, ho sena ba theha lekhotla. Lekhotleng ha qhotsoa kereke ea Katolike, ho bolelang "kereke e ka lefatšeng lohle," ho qhaqha likerekana tsohle ka mathoko moo Molimo o neng o sebetsa, le ho li qobella ho kena kerekeng e le 'ngoe le bolumeling bo le bong.

¹²⁵ Ba emisa pholo letsohong le leng, pholo ho le leng, ho fanyeha sefapano pel'a motho, ho 'molella "ho aka kapa . . . le ho inama, ho amohela bolumeli ba Katolike," kapa ba lelekela pholo nqa esele, le e 'ngoe nqa esele, le ho mo harola. Ho nka mosali le ho ina moriri oa hae moqomong oa sekontiri, le ho botsa haeba a tla aka sefapano sena; o ne a e etsa kapa, le ho khumamela borapeli ba Katolike, kapa ba hotetse moriri oa hlooho 'me ba mo chese lore. Ho ba beha emisa lithupeng le linthong tse ling tsohle. Ba ba kenye ho seo ba se bitsang mosali oa tšepe, ho hatella lithakhisa tseo, ho leka ho mo akisa sefapano, ho amohela seo ba se bitsang "tumelo ea Bokreste," le ho ba sila e-ba lerole.

¹²⁶ Bashoela-tumelo ba ile ba ema moo a sa tabanye le leihlo. O tsebile moo a neng a eme teng. O tsebile Eo a mo lumetseng. O ne a khona, ka ho tseba Sena, hore Molimo o ka mo tsoa ka letsatsi la qetelo, hoba O e tšepisitse. Pele a ka khumamela melapo efe e entsoeng ke motho, lesela litšila, o ne a tla shoela holim'a kutu. Allelua!

¹²⁷ Ha nke ke shoele sebakeng sona seo. Ha Molimo oa ka o sa tle molokong oa ka, ke tla shoela kutung eo marutlè a e jeleng ho fihla ho eona, ho lumela hore Jesu Krete le Kereke ea Hae le Lentsoe la Hae esale eena maobane, kajeno, le kamehla. E ka tsoa e sa khone ho e hlahisa, makaleng ana kaofela, hobane methapo ea khale ea lero kantle mona, ea phutheho ea bolumeli le tumeloana, e nkhaotse le ho ntahla joaloka tapole e chesang. Seo ekaba 'nete. Empa ke tla tšepahala kutung 'me ke hlabe

mokhosi, ho re, “Hora e tla tla, Molimo o tla busetsa Kereke ea Hae, ho fihlela maemong a Eona a pele.”

¹²⁸ Taba ena e ka utloisa bohloko. Ntho ea boraro. Ha ke batle ha e etsa joalo. Shebang o mong oa methapo e moholo oo ba o khaotseng. 'Me mehleng eo ea mokhatlo, ke eona ntho e ileng ea khethula mothapo oa lero, le ho qaleng. Taba ea pele, hola lerato la boena le ne le le teng har'a bona, ba ne ba sa tl'o hloka mokhatlo. 'Me eitseha ba bona hore ha ba khone. . . Ba ne ba sa tl'o ba le lerato la boena, kapa ba hopotse ba se joalo. “Ba emelang Morena ba tla bona matla a macha.” Ho e-na le ho nka Lentsoe la Molimo, ba ne ba e-na le mokhatlo.

¹²⁹ Luther o ile a tsoa mokhatlong oo. Lilemo tse makholo a mahlano le mashome a mahlano hamorao, ho tsoa. O ile a etsang? A retoleha hantle, a etsa eona ntho eo ba e entseng. Hantle mono ha tsoa Calvin. Hantle mono ha tsoa ho tla Wesley. Hantle ho tsoa ho Wesley ho tla Mabaptise, Mapresbeteriene, ho thehela ho Mapentekosta. 'Me Mapentekosta, ka mor'a Nazarene ho tla Pentekosta. 'Me ka mor'a Pentekosta, ho tla etsahalang? Ke tšepa e le ho Tla ha Krete. Lebaka, Mapentekosta a entse eona ntho eo ba bang ba e entseng.

¹³⁰ Tšenolo 12 e ba boletse ba tla e etsa. E ne e le sehloa, 'me bona e ne e le liotsoa. E ne e le “liotsoa.” Kereke e Katolike, “eena,” ho thoe ke “sehloa,” ka Bibeleng, s-e-h-l-o-l-a. Bakorinthe ba Pele 12 e itsalo. 'Me ha thoe, “barali ba hae.” Joale, e ka se be banna. Ha a re “bara ba hae.” Ho re, “barali ba hae.” Likereke li emetsoe ka Bibeleng e le basali. 'Me barali ba hae e ne e le liotsoa, le a bona, ntho eona eo. Mofuta ofe? Be, joang, seotsoa? Ho etsa bohloa ba moea khahlano le Lentsoe la Molimo. Ho itsoarella ka lesela la mokhatlo sebakeng sa ho tjantjella Tumelo e kileng ea fuoa bahalaleli, E rialo, sebakeng sa ho khutlela morao le ho nka Lentsoe la Molimo.

¹³¹ Ke buile le moprista mona e se khale. O itse, “Ha ke tsotelle seo Bibe le se buang. Re kereke.”

Ka re, “Leo ke Lentsoe la Molimo.”

Ho re, “Re le entse.”

¹³² Ka re, “Hobane'ng e fetohile hakana? Ha le na ntho e le 'ngoe ka har'a kereke ea lona, e boleloang ke Bibe le ena, eo le e rutang.” Ke ne ke 'molella hoba ke kolobelitse ngoanana ka Lebitso la Jesu Krete.

O itse, “U a tseba, kereke ea Katolike e ne e etsa joalo.”

Ka re, “Neng? Nalane ka 'ngoe ea likereke ke eo, eo ke e tsebang, e robotse hantle mono.”

O itse, “Re lumela katekisima ea rona.”

Ka re, “Ho ka thoe'ng ka histori?”

133 Ha thoe, “Ha re tsotelle seo nalane e e bueng. Re lumela katekisima.”

134 Ka re, “U tseba joang hore George Washington le Abraham Lincoln ba kile ba eba teng? U tsebile joang hore bo-ntate bathei ba kile ba eba teng?”

“Hobane re lumela nalane ea rona.”

135 Ka re, “Ha ho sebaka moo kereke ea Katolike e kileng ea hlophisetsoa teng haese fihlela lilemong tse makholo a mararo le mashomo a tšeletseng ka mor’a lefu la moapostola oa ho qetela.” Ka re, “Me kereke ea Katolike e ne e sa tsebjoe. Ba ne ba sa kolobetse ka Lebitso la Jesu Krete, hobane e ne e le ’ona motheo oa pele oa ho tlisa kolobetso ea bohata. ’Me o a . . .”

136 O itse, “Be, joale ema hanyenyane.” O itse, “Re na le tokelo. Re kereke. Re etsa seo re batlang ho se etsa hobane Molimo o ka har’a kereke ea Hae.”

Ka re, “Molimo o Lentsoeng la Hae, e seng ka hare ho kereke ea Hae.”

137 Ha kereke e hanana le Lentsoe, joale ho na le ntho e phoso. “Lentsoe la Ka e be ’nete, ’me lentsoe la motho e mong le e mong e be leshano.” Ke hantle. Lentsoe la Molimo ke ’nete. Lokisa Lentsoe la Hae. Khutlela Lentsoeng la Hae. Ho bona seo marutlè a se jeleng?

138 Joale, nakong ea bontate ba pele ba Nicene. Gene, u sa tsoa e nka, le uena. Lekhotla le leholo la Nicene le hlahisitse khang e kholo, ka lebaka la, “Na ho ne ho ena le Molimo o le mong kapa ho ne ho ena le Melimo e meraro; Ntate, ho ba a le mong; Mora, ho ba ba babeli; Molimo Moea o Halalelang, ho ba bararo?” ’Me ba amohela hore ho ne ho le “Melimo e meraro.” Joale, ha le sa lumele hoo, ke tla le balla eona joale ho tsoa Lekhotleng la Nicene, Bontate ba Nicene. Ba e entse, “Melimo e meraro.”

139 Ho na le Molimo o le mong. Ho na le o le Mong feela. Ke Jehova Molimo, KE TENG e moholo; Alfa, Omega; Qalo le Qetello.

140 Ba bile le hona joale, ho etsa hoo, ba ne ba tlameha ho fumana se seng ho tsamaelana le eona. Ho etsa joalo, ba lekile ho re, “Molimo Ntate, Molimo Mora, Molimo Moea o Halalelang.” Joale, ruri, ha ho ntho e joalo. Ha se Melimo e meraro. Hoo ke bohetene.

Ho na le liofisi tse tharo tsa Molimo o le mong. Bontate . . .

141 Mohla Molimo o ne o ahile o le mong, o halalela; Melao ea Oona, ho loka ha Oona ho a O halaletsa. O ne o batla ho ba ka ho motho. O ne o batla ho rapela le batho. O ne o batla hore motho a O khumamele. O ile a lokela ho tla ho motho. ’Me eitseha O etsa joalo, Oa bopa; oa khurumetsa moroetsana ea bitsoang Maria. Molimo, Jehova o entse joalo, ’me oa bopa ka popelong ea hae

sele, sele ea Mali. Sele eo ea Mali ea holisa lisele, 'me ea hlahisa Monna, eena e ne e le Kreste Jesu.

142 Molimo o Matlaohle, Ntate, o ne o ahile ka ho Eena. Ka letsatsi la kolobetso, mohla A neng a amohela Moea o Halalelang ka letsatsi leo Johanne a Mo kolobelitseng ka lona, Johanne o itse, "Ka talima 'me ka bona Moea oa Molimo, o kang Leeba, o theoha Leholimong, 'me Lentsoe le re, 'Enoa ke Mora oa Ka ea ratoang eo Ke khahlisoang ke ho lula ho Eena." Jesu o itse Molimo o ne o na le Eena, "'Na le Ntate oa Ka re Bang. Ntate o ahile ka ho 'Na." E seng Jesu, 'me a le mong le Molimo; empa Molimo o ne a le ho Kreste, a busetsa lefatše ho Oona.

143 'Me lona baena ba Oneness, bongata ba lona le tloha ka tselana e fosahetseng ha le leka ho nahana hore Molimo o mong joaloka monoana o le mong. E ke ke ea e-ba Ntate oa Hae ka Sebele. A ke ke a ba joalo.

144 Empa Ke Molimo. Molimo ke Jehova, Moea; Kreste e ne e le ntlu eo A neng a ahile ka ho eona. 'Me eaba O etsa bophelo bona sehlabelo, 'me, ha A etsa joalo, A nehela Moea. 'Me ka Mali ana a sa tsoakoang ao A a tšolotseng, O ile a nkhalaletsa, hore A tle a tle ka Boena 'me a lule ka ho 'na le ka ho uena. 'Me Molimo o na le rona. Oo ke Moea o Halalelang, e leng 'ona Molimo o tšoanang, Jehova Molimo. "Ke tla ba le lona, le ka ho lona, ho isa bofelong ba lefatše. 'Me lintho tseo Ke li etsang, le tla li etsa le lona."

145 Ke hona moo liongoane li qalang li ja, marutlè, ho leka ho etsa "Molimo Ntate" ea lutseng Khanyeng, "Molimo Mora" a lutse letsohong le letona leo A nang le lona.

146 Letsoho le letona la Molimo, moo Bibe e boletseng, "Ka talima 'me ka bona Jesu a eme letsohong le letona la Molimo," Filipi, kapa Setefane mohla a neng a tlepetsoa ka majoe. Ha e bolele hore Molimo o na le letsoho le letona, 'me Jesu o eme holim'a letsoho la Hae le letona. E bolela hore O letsohong le letona la Matla, bolaoli. "Ke neiloe matla 'ohle Leholimong le lefatšeng," ho boletse Jesu. O ne a le boholog. Molimo o ne a le ka ho Kreste. O ka ho—ka ho Eena. Bibe e itse, "Botlalo bohle ba BoMolimo bo ahile ho Eena ka 'mele." Ha u leka ho etsa Melimo e meraro ka bonngoe, o mohetene kamoo mohetene a ka bang kateng.

147 Joale, taba ena e tla nyatha. Boneng. Mohla ba neng ba ena le melimo e meraro, ba ne ba loketse ho bapisa kolobetso ea hae, bakeng sa melimo ea bona e meraro, kahoo liabolose a fofatsa mahlo a bona, ho Mattheu 28:19, "E-eang ke hona, le rute lichaba tsohle, le ntse le kolobeletsa Lebitsong la Ntate, Mora, Moea o Halalelang. Le ba rute ho boloka tsohle tseo Ke li entseng. Bonang, Ke na le lona kamehla, ho isa bofelong ba lefatše." Liabolosi o fofalelitse mahlo a bona Seo.

148 Joale tšoarang seo. Joale mona moo ke lokelang ho thakhisa thakhisa, 'me se tla thonkha, empa ke batla hore le mamele. Ke

'Nete. Molimo o ke o thuse hore e be. . . Le batlisisa Mangolo feela. U fumane ka Bibeleng moo mang a kileng a kolobetsoa ka Lebitso la “Ntate, Mora, Moea o Halalelang,” u fumane sebaka se le seng moo motho a kileng a kolobetsoa. Shebang, u re, “Liabolosi a ka. . .” Liabolosi o nka Lengolo leo 'me a etse hore Le shebahale joalo ka ntho eo Le seng eona.

149 Na ha aa ka a bua ntho e tšoanang ho Jesu? “Ho ngoliloe, ‘O tla laella Mangeloi a Hae, malebana, esere Oa kothometsa leoto la Hau la khothometsa ke lejoe.’” Ha A ka a kothometsa leoto la Hae lejoeng. Empa liabolosi o ne a leka ho etsa hore A bone ntho eo Mangolo a sa e buang.

150 O ne a le bohlale. O ne a tletse Molimo. Molimo o ne o le ka ho Eena. 'Me Molimo, ka ho ba ka hara motho, o tla tsebahatsa tšenolo ea Hae. Ka sebele.

151 Ke tla le isa ho Mattheu 28:19, “E-eang ke hona, le rute lichaba tsohle, le ba kolobetse ka Lebitso la Ntate, Mora, le Moea o Halalelang.”

152 Joale hlokomelang kamoo bahanyetsi ba feteletseng ba boraro ho tsoa kerekeng ea Katolike. . . Ha ntho e kileng ea hlaha ka Bibeleng, ha ho mohla e kileng ea ba tumelo ea bontate ba pele ho Nicene, ba pele—bontate ba pele ho Nicene. Bao, e mong le e mong, ba kolobelitse ka Lebitso la Jesu Krete, e mong le e mong oa bona. E tlile ka kereke ea Katolike, e tsoa mono ho tsoa e kena kerekeng ea Protestanta.

153 Joale, u ka e bona joang haese ha Molimo a u tutubolla leihlo? U ke ke oa khona. Ke rapela Molimo ho tutubolla mahlo a lona ho Sena. 'Me sekehang tsebe hantle feela joale.

154 Joale ke tliil'o nka Lengolo la lona, Mattheu 28:19, “E-eang, le rute lichaba tsohle, le ba kolobetse ka Lebitso la Ntate, Mora, Moea o Halalelang.”

U kolobelitsoe joang, “Ka lebitso la Ntate, ka lebitso la Mora, ka lebitso la Moea o Halalelang”? Taba eo ha e a ngoloa le ka har'a Lengolo. 'Me ke batla monna ea itseng. . .

155 U re, “Boraro bo halalelang bo bokoang.” Mpatlele lentsoe “boraro-bo-bong” kae kapa kae maqepheng a Bibe le ea Molimo. Ke leano le entsoeng ke motho, lesela la khale le litsila la kereke le haretsoeng, ho tlatsa sebaka sa Mothapo oa Moea o Halalelang oa Molimo. Ntho e joalo ha e eo. Ha ho ntho e joalo. Ha u ka e fumana u tle ho 'na. U tlamehile ruri ho e etsa, joaloka Mokreste, ha u ka e fumana. Ha e fumanoe Lingoloeng tse Halalelang tsa Molimo. 'Me “Ntate, Mora, le Moea o Halalelang” e qhotsitsoe lihlang, ha ho ntho e kang Melimo e meraro.

156 Joale, ke lumela ho bo-Ntate ba Molimo. Ke lumela ho bo-Mora ba Molimo. Ke lumela lekhathe la Moea o Halalelang oa Molimo. Empa Ke Molimo o le mong lekhateng ka leng, e seng Melimo e meraro.

157 Joale, “Ka Lebitso la Ntate.” Bible ha e a re, “E-eang le kolobetse ka lebitso la Ntate, lebitso la Mora, lebitso la Moea o Halalelang.” Ho itsoe, “E-eang le kolobetse,” Jesu o itse, ho hetla morao, “Lebitso la Ntate, Mora, le Moea o Halalelang.” E seng “lebitso la Ntate, lebitso la Mora,” hoo ho ka ba etsa batho ka bomong, empa ha Se eona. “Ka Lebitso la Ntate, le . . .” ’Me ke lehokeli, le sehlooho sa bona se tšoanang. “Ka Lebitso la Ntate, le la Mora, le la Moea o Halalelang.” E seng “ka lebitso la Ntate, lebitso la Mora, lebitso la Moea o Halalelang.” Empa, “Ka Lebitso la Ntate, Mora, le Moea o Halalelang.” Le a bona? Joale shebang.

158 Mona ho eme baapostola ba tlotsitsoeng ba nyolohelang Pentekosta, ho amohela Moea o Halalelang. Ba ile hantle feela ka ho otloloha Pentekosta ’me ba amohela Moea o Halalelang. Joale, Kereke e a khakoloa, re tla etsa’ng? Ntho ea pele e tsoang, Taelo ea ngaka e tlameha ho etsoa. Ngaka Simone Petrose o tlameha ho ngola Taelo ea pele, hobane Jesu o mo file pene. “Ke u fa senotlolo, Petrose. Eng eo u e tlamang, hore ke Taelo efe ea ngaka eo u e ngolang lefatšeng mona, Ke tla e amohela levenkeleng la Lithethefatsi. Ngola sena, ’me Ke tla se amohela.”

159 Ba ile ba etsa’ng? Eitse ha banna bao ba utloa lerata leo le hlahellang, ba itse, “Ebe see se bolela’ng?” Ba bang, ba bua ka lipuo. Ba itse, “Re utloa mesebetsi e hlollang ea Molimo.”

160 Petrose o ile a re’ng? “Bakang, e mong le e mong oa lona, ’me le kolobetsoe ka Lebitso la Jesu Krete tšoarelong ea sebe sa lona, ’me le tla amohela neo ea Moea o Halalelang.”

161 Joale ba ile ba etsa’ng? Ba ile ba eketsa “Ntate, Mora, Moea o Halalelang” mona, taba e sa keneng Taelong ea ngaka. Ke hantle. Ba ekelitse le eng hape? “Ha u a tlameha ho tsoa le ho etsa joalo ka ha ba entse. Ha E ofe thabo le matla, le ho bua ka lipuo, le lintho tsena tsohle. Ha u a tlameha ho e fumana. Ipolele feela, tsukutla letsoho.” Oo ke mothamo o mong o chefu oa liabolosi. Haeba e ba etsisitse joalo mohla ba neng ba noa Moriana, e tla ba etsisa ka ho tšoana. Nka Taelo ea Hae ka nepo hantle.

“Se siiloeng ke bookholane, se jeloe ke seongoane.”

162 Joale hopola, ha ho eso be le motho ea kileng a kolobetsoa, ka Bibeleng, ka tsela efe feela haese ka Lebitso la Jesu Krete, Bajude le Balichaba, le ba kante le ntho e ’ngoe le e ’ngoe, bohle ba ne ba loketse ho tla le ho kolobetsoa ka Lebitso la Jesu Krete. Ke phephetsa monna ofe ho mpontša moo motho a le mong a kileng a kolobetsoa ka lebitso la “Ntate, Mora, Moea o Halalelang,” kapa ka lilemo tse makholo a mararo ka mor’a e—e lefu la moapostola oa ho qetela. Hobaneng, e hlakile ho feta menoana ea ka e leshome e kapele ho ’na. U ke ke ua e bona ho fihlela Molimo a bula mahlo a hau. Be, hoo, haeba eo e se tšenolo e nepahetseng, joale hobaneng ha Petrose, a bile le tšenolo e tšoanang, ho khutla hantle. . . Matsatsi a leshome

kamora hore Jesu a 'molelle, "E-eang le kolobetse ka Lebitso la Ntate, Mora, le Moea o Halalelang," Petrose a retoloha hantle, o itse, "Le kolobetsoe ka Lebitso la Jesu Krete, e mong le e mong oa lona." Joale ena e lokela hoba eona tšenolo eo a e fumaneng. 'Me kereke ka ntle koana, e tla be e le botriniti, e na le tšenolo e fosahetseng, joale ha ba sebelise Mothapo oa lero. Ba nka lesela ba le phuthela mono, 'me le lutlisa Bophelo ba Molimo mono. E tla bolaea mokuli! Oh, ke lintho tse kae hape tseo re ka eang ho tsona, litumeloana tsa lona le lintho, seo e se entseng!

¹⁶³ Ere ke mpe ke hlakise lethoana lena. Ke batla hore le kene 'me le nke Biblele tsa lona motsotso feela, ka hona re tl'o e bebofatsa hore bana ba E utloisise. Phetlang ho Mattheu, khaolo ea 1. Le na le Mattheu 28:19. E-eang ho Mattheu, khaolo ea 1, temana ea 18.

¹⁶⁴ Shebang mona, ke batla hore u shebe haufi, *enoa* ke Ntate, ka letsohong la ka le letšehali, *enoa* ke Mora, bohareng, *ona* ke Moea o Halalelang, ka ho le letona. [Moena Branham o sebelisa lintho tse tharo ho etsa mohlala—Mohl.] Joale, Ntat'a Jesu Krete ke Mang? Molimo, Ntate. Na ho joalo? Kaofela le lumela seo? [Phutheho e re, "Amen."] Ke hlile ke etsa joalo. Molimo, Ntate, ke Ntate oa Morena Jesu. Ntate, Mora, Moea o Halalelang.

¹⁶⁵ Joale ke qotsa Lengolo. Sheba, u ka e sheba ha u khutlela hae, kapa ua e sheba hona joale. "Joale tsoalo ea Jesu Krete e tllile ka mokhoa ona . . ." Mattheu 1. Sheba mona, joaloka ha ke boletse khafetsa, haeba u bala buka ea lipale, 'me u bala mono ka morao, joale nka feela Mattheu 28:19 tjena, bukeng ea lipale, "Johanne le Maria ba phela ba thabile ka mor'a moo." Johanne le Maria ke mang? Khutlela qalong ea buka 'me u fumane hore na Johanne le Maria ke mang, haeba A itse, "E-eang ke hona, le rute lichaba tsohle, le ba kolobetse ka Lebitso la Ntate."

¹⁶⁶ Ke batla ho u botsa ho hong. Na "Ntate" ke lebitso? [Phutheho e re, "Che."—Mohl.] Ka sebele ha ho joalo. Ka Lebitso la "Mora." Na "Mora" ke lebitso? ["Che."] Ke tlotla, joalo ka "Ntate." Na "Moea o Halalelang" ke lebitso? ["Che."] Che, ke tlotla. *Moea o Halalelang* ke seo O leng sona.

¹⁶⁷ U re, "Moea o Halalelang ke lereho." Ho joalo le ka *motho*. U a bona, ke motho, empa lebitso la ka ha se "motho."

¹⁶⁸ Ke seo E leng sona. Ke Moea o Halalelang. Ha se Lebitso la Eona; ke seo E leng sona. Joale haeba "Ntate" e se lebitso, "Moea o Halalelang" e se lebitso, le "Mora" e se lebitso, ebe e ne e le mang Lebitso la "Ntate, Mora, Moea o Halalelang"? [Phutheho e re, "Morena Jesu Krete."—Mohl.] Ehlile! Ehlile! Joale, le a bona, "Ntate" ha se lebitso.

¹⁶⁹ Jesu o itse, "E-eang le ba kolobetse ka Lebitso la Ntate, la Mora, la Moea o Halalelang." Petrose a reteleha, ho re, "Ke Lebitso la 'Jesu Krete.'" Joale, ke hantle feela mokhoa oo ba o latetseng Bibeleng eohle.

170 Joale ba ile ba etsa'ng? Bafetoleli ba bona, kapa banna ba likereke ba entse'ng? Mekhatlo e entse eng? Ea thatela lesela la khale la bolumeli, e le hore a tle a tuma har'a ba bang. Haeba ke tlameha ho ja li-crackers tsa soda le ho noa metsi a molatsoana, le ho bolaeloa tumelo, ke tla emela 'Nete ea Molimo 'me ke shoele holim'a kutu. Ke hantle. Ha ho motho, mopapa oa Roma, kapa mobishopo kapa mok'hadinale, ea ka hanyetsang Hono. E, monghali. Bothata ke bofe? Se siiloeng ke bookholane, se siiloeng ke Methodise, se jeloe ke Baptise. Seo Mobaptise a se siileng, Mapentekosta a se jele. Ha se le e—ha se le e—sebaka se se kakang! Methapo ea Bophelo kaofela e felile. Ena ke nthoana feela.

171 Joale, ke Mang “Ntate, Mora, Moea o Halalelang”? “E-eang ke hona, le rute lichaba tsohle, le ba kolobetse ka Lebitso la Ntate, Mora, Moea o Halalelang.” “Ntate” ha se lebitso, “Mora” ha se lebitso, “Moea o Halalelang,” ha ho lebitso.

“U bua ka Lebitso lefe?” Be, ho tsoana le Johanne le Maria, ha re khutlelelang morao ho fumana hore na e ne e le eng.

“Joale tsoalo ea Jesu Krete e bile ka tsela ena. Mohla Maria 'mè oa Hae a neng a lebelelitsoe ke Josefa pele a . . . pele ba kopana, a fihleloa a e-na le Ngoana oa” (Eng?) “Moea o Halalelang.”

172 Ke itse le itse Molimo e ne e le Ntate oa Hae. Molimo e ka ba Ntate oa Hae joang, le Moea o Halalelang e be Ntate oa Hae? Joale le a bona, lona batrintase, athe le itlatlarietsa ka Oneness? Pitsa ha e khone ho bitsa kotlele mosili. Sheba mona, che. Le bona seo ke se boelang?

173 Eona “Ntate.” O boletse, seo, “Tsoalo ea Jesu Krete e bile ka tsela ena. Eitse ha 'mè, Maria, a lebelelitsoe ke Josefa, pele ba kopana, a fumanoa a e-na le Ngoana oa Moea o Halalelang.” E tla ba, “Molimo Ntate” ha a amana le eona ka letho? Haeba—haeba Molimo Ntate, le Molimo Moea o Halalelang, e se Motho a le Mong, joale Jesu o ne a ena le bontate ba babeli, 'me Mopholosi oa rona e ne e le ngoana bonyatsi, a tsoetsoe a e na le meea e 'meli e fapaneng, kapa, ke meea e 'meli e fapaneng. “Tsoalo ea Jesu Krete e bile, O emotsoe ke Moea o Halalelang.” Na le lumela seo? [Phutheho e re, “Amen.”—Mohl.] Ka hona Molimo Ntate, le Moea o Halalelang, ke Moea o le Mong, kapa O ne a ena le bontate ba babeli.

174 “Tsena tsohle li etsahetse, hore ho etsahale ho boletsoeng ke moporofeta oa Morena, ea itseng, 'Bonang, moroetsana o tla emola Ngoana, 'me o tla tsoala Ngoana, 'me bona . . . Mora, 'me ba tla bitsa Lebitso la Hae” (*enoa* ke Eena) “‘JESU, e leng Emmanuele,’ e leng, ha ho hlaloso . . .” Eng? [Phutheho e re, “Molimo o na le rona.”—Mohl.] Joale Lebitso la “Ntate, Mora, Moea o Halalelang”? [“Morena Jesu Krete.”] Ruri. “Lebitso la

Hae le tla bitsoa” [“JESU,”] “hobane ke Eena ea tla pholosa sechaba sa Hae libeng tsa sona.”

175 Joale, ke eng “Ntate, Mora, Moea o Halalelang”? Morena Jesu Kreste. Lebitso la Eona ke Mang? Ha se lebitso. . . “Ntate” ha se lebitso, “Mora” ha se lebitso, “Moea o Halalelang” ha se lebitso. Empa Jesu Kreste ke “Morena Jesu Kreste,” e leng Ntate, Mora, Moea o Halalelang, liofisi tse tharo tsa Molimo o bonahatsoang nameng, Mothong a le mong. Alleluia! Moena, hoo ke 'Nete. Ka hona nthuse, Molimo, ke tla ema ka Tsatsi la Kahlolo holim'a Seo.

176 Lerutlè le entse eng? Ho fumanoa Molimo Ntate Leholimong, Molimo Mora o lutse *mona* teroneng, le Molimo Ho-. . . Ha ho makatse re sa fihle kae-kae!

177 Molimo u ka ho lona, le lona. “Ke tla ba le lona, le ka ho lona, ho isa bofelong ba lefatše. 'Me tseo Ke li etsang, le lona le tla li etsa,” e seng Motho e mong, empa 'ona Moea o Halalelang, Motho ea tsoanang, Molimo o tsoanang. Jesu, Morena Jesu ka Boyena, e ne e le Tabernakele eo Molimo o neng o ahile ho eona, ho Iponahatsa, hoba E ne e le Moea. E ne e le Moea.

178 Joale, Jesu e ne e se oa Bosafeleng. Molimo ke Bosafeleng. Jesu joale ke Bosafeleng hobane Molimo o nyolotse 'Mele.

179 Khetlo le leng, pele lefatše le theoa, ke ne ke le Bosafeleng. Mohla Molimo a ne a nahana ka 'na, ka hopoloa pele lefatše le theoa, lebitso la ka le kentsoe Bukeng ea Bophelo ea Konyana, 'me le la hau le ne le le joalo, pele ho eba le thollo e le 'ngoe ea lehlabathe. Ke ba bakae ba tsebang hore hoo ke Bibelet? Ke ba bakae ba tsebang hore Molimo u beile lebitso la hau Bukeng ea Bophelo ea Konyana pele lefatše le theoa? Joale, monahanong oa Molimo, re ile ra tsoalloa mohlang oo 'Musong oa Hae.

180 Ka tsatsi le leng ha fihla 'mele ka lenyalo le halalelang, ntate oa ka le 'mè. 'Me ba ile ba ntsoala, 'me ke 'na enoa ke fihla, William Branham, a emetsoe ka 'mele oa nama. Joale le ntseba ke le William Branham, monna. Molimo o ntsebile ke le William Branham, mohopolo o kelellong ea Hae ka Sebele, le ponahatso.

181 Lentsoe ke eng? Lentsoe ke mohopolo o hlalosoang. Ha A bua 'me a re, “A ke a tle,” ke a tla. Ha A re, “A ke a tle hape,” ke tla tla hape. E, monghali. 'Me ka hona, le ea bona, mohopolo; lentsoe ke mohopolo o hlalosoang.

182 Molimo o se o fane ka Lentsoe, ntho feela eo mohopolo oa Hae o neng o le eona, 'me O e hlalositse. Ha A e hlalosa, e a etsahala. “Ho etsahale hore,” 'me ha ba joalo. Molimo ke oo, ea matlaohle, bonatla-bohle, Jehova ea bohobohle. Joale O bapisitsoe.

Taelo joale, ho phethahatsa sena, ba ne ba lokela ho fumana kolobetso ea bohata ho etsa sena.

Ua bona, e patiloe. Lefatše ha le e bone, 'me ha e bonahale.

183 Joale elang hloko, re sa na le nako e lekaneng ho—ho koala le ho emisa mola oa thapelo. Ho lokile. Ke bile molelele ho feta kamoo ke neng ke nahanne, ka eona. Motsotso feela joale, ke batla ho le se seng.

184 Ka hona, “Ntate, Mora, Moea o Halalelang” ke Molimo a le mong oa ’nete. O na le Lebitso le le leng. Lebitso la Hae ke Jesu Krete. O tsoetsoe e le Krete Morena ha A ne a tsoaloa. Eena, *Kreste*, e bolela “Motlotsuoa.” *Morena* ho bolela “mong’a eona.” E ne e le eena “mong’a eona” le “Morena.” Me eaba Molimo oa theoha ’me oa aha ka ho Eena, ho Mo entseng Ntate, Mora, le Moea o Halalelang ’moho; Alfa, Omega, Qalo le Qetello; Ea neng a le Teng, Ea Leng Teng, le Ea Tla Tla; Motso le Lehlomela la Davida, Motso le Lehlomela la Davida ’moho; Naleli ea Meso, oa Pele le oa ho Qetela. Ke Eena eo. Oh!

185 “Seo bookholane bo se siileng.” U ka rapela joang u sa tsebe seo u se khumamelang? O ka ba motho oa moea joang haese ha u fumane Moea o Halalelang ka ho uena? Haeba le tlanngoe ke sehlopha sa litumeloana tsa kereke, se tla hore le itšoare joaloka batho ba kereke, le—le seriti le borapeli, le lintho tse joalo. Hoo hohle ke botle, ketso tsa boitšoaro.

186 Empa, moena, u tlameha ho tsoaloa labobeli ka Moea o Halalelang oa makhonthe o tlang feela ka Lentsoe la Molimo. ’Me Lentsoe la ’nete la Molimo, ha Le kena ka ho uena, Le tla bonahatsa ’Nete. “Eena, Moea o Halalelang, O tla tla. O tla paka ka ’Na. O tla bonahatsa ’Nete. O tla nka lintho tseo Ke le bontšitseng tsona, a bontše lintho tseo Ke li buileng, ’me u tla le bontša tsona. Moea o Halalelang o tla e etsa.” Seo A tla se etsa, ke eo moo A leng teng.

187 Se siiloeng ke bookholane, se jeloe ke seongoane. ’Me seo Makatolike a se siileng, Maluthere a se jele. ’Me seo Maluthere a se jeleng, a se siileng, Methodise a se jele. ’Me seo Methodise e se siileng, Pentekosta ea se ja. E fihlile kae? Qubu ena eohle ea sebe, lintho tsena tsohle, lithuto, lintho tse ling tseo re ka li buang, oh, khili, ho tsukutla matsoho, ho fafatsa ka metsi.

188 Ke mang ea utloileng ka ho fafatsa? Mpontše eona ka Bibeleng. Ke mang ea utloileng ka ho tšela metsi? Mpontše eona ka Bibeleng. Kolobetso e tlile, lentsoe *baptizo*, le bolelang ho ba “patoa le ho koaheloa.” Ho lokile. Seo ke ’Nete ea Lentsoe la Molimo. Oh, hola re e-na le nako, re ne re ka tsoella joalo le ka lintho tsa bohata.

189 Ke bua sena, batho ba ka ba ratehang. ’Mameleng. Ke tla ema le lona ka letsatsi le leng ka Tsatsi la Kahlolo. Ke tla tlameha ho arabela. Nke ke ka arabela tumeloana. (Ka hona nthuse, Molimo!) Ke tla arabela Bibe. Ke Buka eo ke tla ema ka eona.

190 Ha ho sebaka ka Bibeleng moo ba kileng ba amohela Moea o Halalelang ho se maikutlo, ho bua ka lipuo, le mehoo, le lithoriso

tša Molimo, le liporofeto, le liponahatso. Ha ba ka ba nyoloha feela 'me ba tsukutla matsoho le moreri 'me ba tloha.

¹⁹¹ Ha ho sebaka ka Bibeleng moo ba kileng ba e fumana, ba kileng ba kolobetsoa, kantle le ho kolobetsoa ka Lebitso la Jesu Kreste.

¹⁹² Ha ho eso be le sebaka ka Bibeleng moo ba kileng ba ruta boraro-bo-bong. E ne e le kamehla “Molimo o le mong.” “Utloa, uena Iseraele, ke 'Na Morena Molimo oa hau, Molimo o le mong! U se ke ua ba le melimo e meng ka ntle ho 'Na. Ke 'Na Morena Molimo oa hau.” Eseng Ntate, le Mora, le Moea o Halalelang, empa “Ke Molimo!” Ka ho sa eeng kae, Ke Molimo! E ne e le Molimo kamehla. O tla lula e le Molimo.

¹⁹³ 'Me ha phutheho ea bolumeli e u lahla, ha u tla phuthehong 'me u leka ho bontša lerato la boena, esita le ka liphutheho tsa bona tsa bolumeli, ho leka ho thonaka le ho boloka seo u ka se khonang, ho ba hulela ka hare, ho lumella Molimo ho sebetsa karolo e setseng. 'Me ka hobane u eme holim'a Linnete tsa Biblele, ba u khaola. E kke ke ea e ba letho haese leqheka le tlase la liabolosi, ho thibela bana ho kena ho tla bona kopano le ho bolokeha. Ke hantle.

¹⁹⁴ Ke leo Lefika le tiileng la Lentsoe la Molimo. Ke tla nka motho ofe kapa ofe, neng kapa neng ha a batla, 'me ke tsamae le eena ka lerato la boena, 'me ke batla hore le mpontše ntho e le 'ngoe eo ke e boletseng eo e seng 'Nete ea Biblele. E, monghali. Ke 'nete. Joale, kahobane u E emela, u khaotsoe. Ke lebeletse hore ho be joalo. Molimo o itse ho tla joalo.

¹⁹⁵ Ba Mo entse ka mokhoa o tsoanang. “U fumane lithuto hokae? U tsoa sekolong sefe? U eng, Mofarisi kapa Mosadusi?” E ne e le Mora oa Molimo o phelang, ha A ka a emela lehlakore lefe la bona.

¹⁹⁶ Kahoo nthuse, Molimo, ntumelle ke be le letsoalo le lekaneng, nke ke be le molao-theo o lekaneng, nke ke be monna ho lekana, nke ke be Kreste ho lekana, ho ema ke le mong (haeba ke ema, ke lokela ho ema ka tsela eo) le ho bolela 'Nete, le ho ema. E, monghali. Nka mpa ka bolella batho ba bahlano Evangeli, ho ena le ho fumana limilione tse utloang. Bolela 'Nete. Ha ho mohla nkileng ka tenyetseha. Ke ne ke batla sena, hoba Molimo o ne a mpoleletse lipontšo tsena tse kholo le lintho tse hlahisoang, joaloka ponahatso ea tsoho ea Hae, le joalo-joalo, e etselitsoe Kereke. Batho bao ba bafokoli ka ntle mono, 'me ba tlanngoe ka har'a litumeloana tseo le lintho tse joalo, ba kentsoe litokomane, joaloka ho noka setopo.

¹⁹⁷ Molimo a hlohonolofatse pelo ea hau. Nke ke ka le tlohela boemong boo. Ke tla u bolella seo Molimo a se buileng, “Empa Ke tla u buseletsa tsohle tse jeloeng ke seongoane, tsohle tse jeloeng ke marutlè, tsohle tse jeloeng ke bookholane. Ke tla busetsa, ho bolela Morena!” Kahoo nthuse, ke etsa boporofeta bona. Pele ho

Tla ha Morena, Tumelo ea 'nete ea boapostola, Thuto ea 'nete ea boapostola, Moea oa 'nete oa Bibebe, oa 'nete, O tseleng ea Oona joale, o leka ho nyoloha o ja tseleng ea Eona, ho hola hape.

¹⁹⁸ Pentekosta e bile le eona, le ho qaleng. Ba ile ba etsa'ng? Ho rala leqhetsoana ho E potoloha, ho qala ho khetha. 'Me A Le khaola hantle. Ke hantle feela. Ke mona ho etla, mohla Morena a ne a romela lineo tsena, lineo tse ikokobelitseng tseo A mphang tsona. Ba lula ba e tla, ba batla hore ke be phororo ea pula eo ea morao; ba entse mokhatlo ka eona. Ho batla hore ke tle ke ikopanye le Assemblies.

¹⁹⁹ Ke ile ka ema hantle ka hara lekala le leng le le leng le leketlileng mono, hantle mona kutung ea Sefate, le ho re, "Ona ke Motheo. Khaolang methapo ena ea lesela ea khale mona, hore Bophelo bo tle bo kene ka ho uena, ke moo le tla fumana liporofeto, le tla ba le temoho, le tla ba le Moea, le tla ba le matla. U tla ba le khutlisetso ea Kereke ea 'nete, ha u khutlela Morareng oa 'nete le Bophelong ba 'nete."

²⁰⁰ E ke ke ea tla ka lesela le Bo lihelang fatše hantle, le ho re, "E ne e le letsatsi le leng hape. Ke letsatsi le leng." E a tšoana kamehla. Ke Alfa le Omega; Qalo le Qetello. Ruri. U tla tlameha ho khutlela Motheong, bakeng sa, "Holim'a lejoe lena Ke tla haha Kereke ea Ka, 'me likhoro tsa lihele li ke ke tsa E hlola."

²⁰¹ Molimo a le hlohonolofatse, metsoalle. Kea tseba le nahana hore ke lerata hanyenyane, ke tsoile taolong hanyenyane, empa ha ke joalo. Ke nahana hore ke taolong le Lentsoe lena.

²⁰² E—e Moea oa Molimo o teng mona, oona Moea o ngotseng Bibebe. Haeba Moea o ngotseng Bibebe, o tla re "amen" nako le nako ha ho buuo Mantsoe a Bibebe. Haeba, *mono*, motho e mong le e mong a ne a kolobelitsoe ka Lebitso la Jesu Krete, Moea oa 'nete oa Molimo o tla re, "Amen. Seo ke 'Nete.'" 'Me Bibebe e itse, "Jesu Krete, eena maobane le kamehla," "Ke tla ba le lona ka mehla, le ka ho lona, ho isa bofelong ba lefatše," Moea oa 'nete oa Molimo o tla re, "Amen." 'Me haeba hoo e le Moea oa 'nete oa Molimo, joale matla a 'nete le liponahatso tsa Moea li tla Iponahatso ka Moea ona oa 'nete. Ahlolang Lentsoe leo le le utloang. Le ahloang ka Bibebe. Shebang liketso tsa Lona. Shebang mesebetsi ea Lona.

²⁰³ Na ho na le ba eang ho kolobetsoa mona, ba esong ho kolobetsoe, ba batlang ho kolobetsoa? Phahamisa letsoho la hau. Ho lokile.

²⁰⁴ Haeba kolobetso e le sieo, ho lokile, joale re tla rapella bakuli. Na ho na le motho ea kulang mona? Phahamisa letsoho la hau, a batla ho rapelloa. Baetsi ba ba bakae mona hara rona, 'me ba batla ho rapelloa; Ha ke u tsebe, 'me ke osele, ha ke u tsebe? Ho lokile. O kula 'me u hlomohile, ha ke u tsebe.

²⁰⁵ Haeba Molimo e le Molimo, haeba E le Molimo oa Lentsoe leo ke le bolelang; Jesu o itse, "Lintho tseo Ke li etsang le tla li

etsa le lōna.” Na ho joalo? Jesu o itse, “Lintho tseo Ke li etsang le tla li etsa le lōna. Le tla etsa tse fetang tsenana, hoba Ke ea ho Ntate.” E ne e le eng? Ho fetoha ho tsoa ho Motho, ’mele, ho khutlela Topallong ea Mollo hape. Ha Paulose a kopana le Eena tseleng e eang Damaseka, E ne e le eng? Topallo ea Mollo. Ho joalo? Ehlile ho ne ho le joalo. Ke Eng kajeno? Ke eng seo A leng *sona* setšoantšong seo?

U re, “Oh, u ka *bua* seo, Moena Branham.”

206 Haeba eo e le ruri e le ’nete ea Molimo, haeba E le Topallo ea Mollo e tsoanang, Jesu Krete ea tsoanang, ke tseka hore Moea oa Hae o kene ka ho ’na, O tla etsa ntho e tsoanang le eo A e entseng. O tla lumellana le Lentsoe le leng le le leng leo A le buileng, ho sa tsoetelehe seo litumeloana tsa mekhatlo li tla se bua. O tla bua Lentsoe la Hae. O E buile.

207 Ho se lumele ha bona ha ho a Mo thibela. Litumeloana tsa bona le phutheho ea bolumeli, ha A ka a emela lehlakore la mang oa bona. O ile a bolela Evangeli e sa tsoakoang eo A e utloileng ho Molimo. A ema a le mong. Ehlile, O entsa joalo. Holima Kalvari, ho ne ho se le ea mong ea ka emang le Eena. A ema a le mong.

208 Haeba u tla qetella u le ntho e itseng, u tla emela Molimo, u tla ema u le mong. Ke uena! Ha se lefatše, ha se kereke ea hau, ha se mokhatlo oa hau. Ke uena, pakeng tsa hau le Molimo. Ha ke tsotelle hore na . . .

209 Branham Tabernacle e ka etsa seo ba se batlang. Ke batla hore ba lumele ho Molimo; ke batla hore le bona ba tle. Empa haeba ba sa etse joalo, nke ke ka tenyetseha le bona nthong ea bona e nyenyane. Ke tla emela Molimo.

210 “Methodise. U tla etsa’ng, Moena Branham? Ba—ba boraro-bo-bong ba Pentekosta?” Ke pakile hore kea ba rata. Ke ile ho bona, ’me ka romella ho Assemblies of God le church of God.

211 “’Me haeba Oneness, ha u lumellane le Oneness ka ho emela ‘bonngoe’, ba bona joalo.” E, monghali. Jesu o ne a ena le Ntate. E ne e le Molimo. Ba kolobetsa ka Lebitso la “Jesu.” Ke kolobetsa ka Lebitso la “Morena Jesu Krete.” Ho na le bo-Jesu ba bangata, empa ho na le Morena a le mong feela Jesu Krete. Le ea bona? E seng ka “Jesu” Lebitso. Empa ka Lebitso la “Morena Jesu Krete,” ke Ntate, Mora, Moea o Halalelang.

212 *Morena*, “Morena o itse ho Morena oa ka, ‘Lula letsohong le letona.’” Mora, *Jesu. Krete*, Logos e tsoileng ho Molimo, tšimolohong. Ntate, Mora, le Moea o Halalelang. Ke uena eo.

213 Oh, ke e thabetse haholo! Pelo ea ka e thabile feela! ’Me ho tseba hore Moea oa Hae, Moea o ngotseng Lentsoe, o lumellana le Lentsoe, ho ho paka mothapo oa Bophelo. E a kena, e a Iponahatsa. Molimo a be le lona. Ke Jesu Krete Mora oa Molimo. Ke boletse ’Nete ka Lentsoe la Hae.

Joale lona, lona batho ba tabernakeleng, ke a le rapella ka linako tse ling. Re morao nakong. Ke tlotse hanyenyane, ke tlotse hanyenyane. Ke ne ke lebeletse kolobetso ea sehlopha.

214 Shebang. Haeba Moea o Halalelang o le teng mona, re tla . . . O tla—O tla u folisa. Ke batla batho bao e leng baeti likhorong tsa rona, ba—ba kulang le ba mahlomoleng. 'Me joale haeba ke buile 'Nete ka Molimo, 'me batho bana ba buile 'nete, hore ha ke ba tsebe, 'me ba a kula 'me ba mahlomoleng; haeba Moea o Halalelang o le teng, O ka ntšenolela. Haeba e le ona Moea o Halalelang oo, 'me O hokahantsoe le kutu e tšoanang tlase *mona* eo marutlè a e jeleng, empa ho na le sekotoana sa lekhapetla le theohang *mono*, le kopanyang sena 'moho, e tla sebetsa joalo ka ha e entse tlase moo.

215 Tumelo ea kereke e tla re, "Oh, seo ha se 'nete. Ke bokhoni ba ho bala kelello. Eo ke—eo ke liabolose. Hoo ke bonohe."

216 Ba boletse joalo ka Eena. "Haeba ba bitsa Mong'a ntlu 'Beelsebule,' hakakang ba bitsa barutuoa ba Hae?" Ho lokile. Leha ho le joalo seo ha se e emise. Hoo ho e eketsa feela, ho e ntšeletsa.

217 Joale, na E sa le Molimo? Na ke Eena maobane, kajeno, le kamehla? Na O hlomphe Lentsoe la Hae? O etsa joalo.

218 'Me ke qobella e mong le e mong oa lona, haeba u eso ka u kolobetsoa ka Lebitso la Jesu Krete, kolobetsoa ka Lebitso la Jesu Krete. Ha ke tsotelle seo lekhasa la khale la kereke le se buang. Eo ke denomi- . . .

219 'Me ke tseba banna bao ke ba tlisitseng hantle setading sa ka, le ho balisisa. Haufi le banna ba lokileng, nka re, "Tloo mona motsotso. U mpontše moo u ileng oa kolobetsoa ka lebitso la 'Ntate, Mora, Moea o Halalelang,' haeba hoo ho lumellana le Mangolo."

220 'Me ha a hatelloa, ho re, "Ke a e tseba, Moena Branham, empa u se ke oa mpepesa." Le a bona?

221 Ka re, "Tšehetsa thuto ea hau, mpontše moo e mong. E mong le e mong ka Bibeleng, bona . . ."

222 Ba bang ba kolobetsa, ho se lebitso ho hang, ba ne ba loketse ho tla le ho kolobetsoa hape, pele ba fumana Moea o Halalelang. Ke ba bakae ba tsebang seo? Pauluse a haola lebopong le ka holimo la Efese, a fumana Mabaptise. Ba fumane e motle . . . Ba ne ba ena le moliosa ea lokileng. E ne e le ramolao ea sokolohileng, Apolose. 'Me a re ho bona, "Na le amohetse Moea o Halalelang haesale le lumela?"

223 Ba re, "Ha re tsebe hoba Moea o Halalelang o teng."

224 Ho re, "Joale le kolobelitsoe joang?" E re ho King James, "ho eng." E bale qalong, ho thoe "joang." "Ho eng" e bolela ntho e le 'ngoe. "Le kolobelitsoe joang?"

225 Ba re, “Re kolobelitsoe ho Johanne, eena monna ea kolobelitsoeng Jesu.” Ke kolobetso e ntle eo. “A tsoa ka metsing, eena ea ileng a kolobetsa. . .Johanne.”

226 Be, Pauluse o itse, “Seo ha se sa tla sebetsa. Seo ha se sa le molemo. O se a tlile, a thakhisitsoe. Hobane Johanne o kolobelitsoe pakong, e seng tsoarelong ea libe, a re le lumele ho Ea tlang, Jesu Krete.” ’Me hoba ba utloe sena, ba tsoa ba kena metsing ’me ba boela ba kolobetsoa, ka Lebitso la Jesu Krete. Pauluse a ba beha matsoho, Moea o Halalelang oa theohela holim’a bona. Ba porofeta ba bua ka lipuo. Ho joalo? Pauluse o ile a qobella banna ba neng ba kolobelitsoe ke ea neng a kolobelitsoe Jesu, o ba boletse ba tlameha ho kolobetsoa hape, hobane ba ne ba sa kolobetsoa ka Lebitso la Morena Jesu.

Ke na le tokelo ea ho bua ntho e tsoanang. Ke Thuto e tsoanang.

227 Joale, Pauluse o itseng ho Bagalata 1:8? Joale, o entse seo. Ke ba bakae ba tsebang hore hoo ke ’Nete? E reng, “Amen.” [Phutheho e re, “Amen.”—Mohl.] ’Me a re, “Ekare ha Lengeloi le tsoang Leholimong,” ha ke sa bua ka moreri ea tsoang kerekeng kapa mokhatlong oa bolumeli! “Ekare ha Lengeloi le tsoang Leholimong le ka tla ’me la rera evangeli esele ho Ena, le rohakoe. Joalokaha ke boletse pele, ke rialo hape, leha ekaba rona kapa Lengeloi le tsoang Leholimong le bolela evangeli e hosele le Ena eo le seng le e utloile.” Le bona moo marutlè a E jeleng teng? Le ea bona? “Empa ekareha e—e Lengeloi le rera ntho esele le seo Sena se leng sona, le ke le rohakehe.” Ke hantle. A rohakoe. U se ke ua mo ela hloko.

228 ’Me haeba molisa, haeba e le moromuoa, ekare ha e—e moevangeli, kapa mang, a leka ho u qobella ho kolobetsoa ka tsela e ’ngoe haese ka Lebitso la Jesu Krete, a nke ke bue le Pauluse, “A ke a rohakoe.” Haeba motho a u bolella, “Tsukutlana le moreri ka matsoho ’me le tla amohela Moea o Halalelang,” a rohakoe. Hoba, Moea o Halalelang ke Tsoalo. Ba E batla ka boikhantšo.

229 Mang oa tseba, ke boletse pele, tsoalo e a nyonyeha, ha ke tsotelle moo e leng teng. Haeba tsoalo e le ka molikong, ke bohlasoa. Haeba e le ka tlung, ke bohlasoa. Haeba e le kokelong, ka phaposing e pinki, e khabisitsoeng, ke bohlasoa. Tsoalo e lula e le bohlasoa.

230 ’Me le Tsoalo e ncha ha se ntho e katlasana. Ke bohlasoa; ho lla le ho bohola, ho korotla feela, melomo e kokotletsang, le botšoaro ba mefuta eohle. Ke bohlasoa, empa e tlisa Bophelo. Tsela feela eo u ka e etsang ka eona.

231 U se ke oa amohela ho tsukutlana ka matsoho, kapa ho ngola lebitso la hau kerekeng e itseng, ho nyoloha le ho re, “Ke lumela ho Molimo Ntate ea Matlaohle, ’Mopi oa maholimo le lefatše; le Jesu Krete, Mora; kereke e halalelang ea Roma e Katolike;

le kopano ea bahalaleli.” Haeba u etsa joalo, u iponahatsa u le setsebi sa meea.

²³² Ntho efe feela e kopanang le bafu, ha ke tsotelle hore na ke eng, ke liabolosi. “Ho na le ’Muelli a le mong feela lipakeng tsa Molimo le batho, ke Monna eo Jesu Kreste.” ’Me ha A shoa, empa O a phela. ’Me O teng mona joale; O tsohile bafung. Bahalaleli ba bang bohle ba Katolike le bahalaleli ba Protestanta, le eng hape, ba shoel’me ba mabitleng. Ba ka tšoha ba le Khanyeng. Haeba e ne e le bahalaleli, ba teng Mono. Ha ke tsotelle moo ba leng teng, ha u ka buisana le bona, u tlola melao ea Molimo ka botlalo ’me u feta ka liabolose. Ha se mohalaleli. Ka sebele. Biblele e itsalo.

²³³ Bookholane bo jele seo, hape, empa Molimo o tla e busetsa ho Moea oa ’nete, o phelang oa Molimo o sa buisaneng le Santa Juda e mong, le Santa *Enoa*, le Santa *Eo*, le Santa Cecelia, le ba bang bana bohle, le ba bang ba bahalaleli bana. E tla be e le Moea oa Jesu Kreste o tla khutla le ho Iponahatsa le ho etsa ntho eona eo. “Ke tla khutlisetsa, ho bolela Morena.” ’Me ke leboha Molimo, kajeno, holim’a lekala la Kereke holimo *mona*, ho na le Bophelo bo bonyenyane bo qalang bo khasa bo phunyeletsa Mono. Bo a Iponahatsa. Molimo o tla khutlisetsa Kereke e tletseng seemong sa Eona se nepahetseng hape, pele ho ho Tla ha Morena.

²³⁴ Morena Jesu, tšebeletso ke ea Hau. Ke jere boikarabelo ba Lentsoe feela, ho Le rera. Joale e entsoe. E matsohong a Hau, Morena. Ke rapela hore ka Lebitso la Kreste, hore U tle u amohele lintho tsena, le ka leseli leo Le reroang ka lona, Morena. Mohlomong, haeba letsoalo lefe le utloile bohloko, le foliso e ke Setlolo sa Gileade. A bao, Morena, ba lutseng mona ba fafalitsoeng, ba tšetsoeng, kapa ba qoelisitsoeng ka melimo e meraro, ba ke ba bone phoso ea bona, Morena. Nka khona . . . ho sa tsotelehe hore nka rera hakae.

²³⁵ Mohlang oo U rerile oa etsa hona hoo, ’me leha ho le joalo mahlo a bona a ne a foufetse. “Ha ho motho ea ka tlang ho ’Na a sa huloa ke Ntate oa Ka.” ’Me leha U rerile le ho etsa mehlolo, le ho paka hore U ne u le Messia, leha ho le joalo ha ba ka ba lumela, hobane Esaia o buile hore ho tla ba joalo.

²³⁶ ’Me nka eketsa sena, hore, kajeno, leha U entse lintho tse ngata hakana, U ntšitse Lentsoe la Hau la ’nete, ho E khutlisetsa motheong oa boapostola, ho phephetsa ka Lona, hore Ke ’Nete, ’me ebe U khutla hantle ka mora Eona le ho etsa mehlolo ea mofuta oo U e entseng mohla U ne u le lefatšeng mona. Ho etsahetse’ng? Ha ba khone. Hobane, Pauluse o itse, ka Moea (joalo ka ha Esaia a buile), “Ba tla ba manganga, baikhohomosi, ba ratang menate ea nama ho e-na le ho rata Molimo, ba se nang ho tšepaha, baetseletsi, ba sa khoneng ho itšoara, le ba hloeang ba lokileng; ba nang le sebopeho sa borapeli, ba mpa ba latola Matla a jona: le ba joalo u ba furalle.”

²³⁷ Morena, kea rapela kajeno hore U tla Iponahatsa le—le ho etsa oa Hau—etsa hore Lentsoe la Hau le phele hara rona hona joale. Hoba re e kopa ka Lebitso la Jesu. Haeba U ka e etsa, Morena, bohle ba tla lumela. Re tla tloha tabernakeleng ena hoseng hona, re lumela hore moea oa rona o lopolotsoe, ha feela U ka etsa joalo e romele ho bona, Morena, 'me u bue le pelo e 'ngoe le e 'ngoe, re sa lebella tšenolo ea Hau.

Ere Moea o Halalelang, Bophelo ba 'nete ba Molimo, bo kene karolong e nyenyane ena ea lekala le setseng. Oho Morena, e natlafatse ka Moea oa Hau. E ke e . . . Le a paka, Morena. Ho paka, Lentsoe la Hau le nepahetse. Motho e mong le e mong o leshano; U 'Nete. Ho sa tsotelehe ba bakae ba furallang; haeba e hloka ho bolaeloa-tumelo, e hloka ho khaoloa, e hloka ho tsoara matšolo, moo u tlamehang ho nka monna a le mong feela le ho ema holim'a . . . Bana bao ba Molimo ba fokolang, ba tla tsoa, leha ho le joalo, ho sa tsotelehe. Ba tla tla, leha ho le joalo, ho utloa.

²³⁸ “Linku tsa Ka li tseba Lentsoe la Ka, osele li ke ke tsa mo latela.” Lentsoe la Hau, kamoo Le bitsitseng linku tsa Hau khetlo la pele, Le bitsa hape. 'Me osele li ke ke tsa mo latela. Ha Lentsoe la Hau, le bitsitseng linku tsa Hau, le itse, “Bakang, e mong le e mong oa lona, 'me le kolobetsoe ka Lebitso la Jesu Krete,” Linku tsa hau li E utloile. Linku tsa hau li utloa ntho e tsoanang kajeno. Haeba e mong a re, “Oh, hoo ke—hoo ke ntho tsa antikreste. Kolobetsoa, lebitso la 'Ntate, Mora, Moea o Halalelang,” osele li ke ke tsa mo latela. Li tla tseba Lentsoe la Hau. Li tla lebella mesebetsi ea Hau. Ke a rapela, Ntate, hore U tla aba tsohle. Lentsoe la Hau le buile, mesebetsi ea Hau e ke e latele. Ka Lebitso la Jesu. Amen.

[Moena o bua ka lipuo—Mohl.] Joale, motsoalle, Moea o Halalelang o a haola.

²³⁹ Joale ke tla furalla letšoele lena. Joale, ha ke batle lona batho ba leng mona tabernakeleng ena, ke mpe ke shebe ka nqa *ena*, ha ke batle e mong oa batho ba tabernakeleng; ke batla uena ea e-so fihle mona pele, kapa u tseba hore ha ke u tsebe. Batho ba kantle ho toropo, phahamisang matsoho a lona hape, moo ke bonang moo le leng teng, hore lea kula. Moea o Halalelang o ke o haole joale. Joale, ho lona batho, ha ke le tsebe.

²⁴⁰ Na le na le likarete tsa thapelo? Na ba ile ba aba ka thapelo . . . ? [Sekheo lebanteng—Mohl.] . . . ba amile.

²⁴¹ 'Me A e etse bonnyane makhetlo a mabeli. Bible e itse, “Ka molomo oa . . .” Ke lipaki tse kae? “Tse peli kapa tse tharo.” Na ho joalo? “Paki tse peli kapa tse tharo, taba e 'ngoe le e 'ngoe e ke e tiisoe.” Ho nka bonnyane ba babeli kapa ba bararo ba lona, ebe ba bang ba lona ba lumela. Eng eo u e hlokang, u e lumele hona joale.

242 Na u tla e etsa, ha A ka e etsa? Phahamisa letsoho la hau, ho re, “Ke tla—ke tla—ke tla e nka ka tumelo, ho phahamisa letsoho la ka feela.” Na u tla e etsa? Phahamisang matsoho a lona, bohle ka mona. Ke ba bakae ka mona ba reng, “Ha ke eso e bone pele. Ke tla e nka ka tumelo, hape?” Phahamisa letsoho la hau, ho re, “Ke tla e nka ka tumelo.” Shebang mona.

243 Joale na le bona moo ke emeng teng? Phephetso e teng mona. Joale, haeba E le Molimo, O tla Iponahatsa. Haeba sena e se 'Nete, ke raleshano le moporofeta oa bohata. Ha u a tšoanela ho tla ho nkutloa hape, hobane ke moporofeta oa bohata; ke fana ka bopaki ba Kreste bo sa lokang. U ke ke ua e etsa le ho paka thuto eo ke esale ke . . . [Sekheo lebanteng—Mohl.]

244 Uena tloo. U tsoa mona, tabernakeleng, na ha ho joalo, mofumahali? Uena ea lutseng mono u phahamisitse letsoho la hau, u roetse katiba e tšoeu. Ee. U tsoa mona. U a bona, ha ke bona seo moo, batho ba hula pono eo. Ke E bona e eme hantle holim'a bona.

245 Empa ke emetse motho eo ke sa mo tsebeng. Mona, uena ea tsoang tlase tabernakeleng mona, mofumahali ea phahamisitseng sakatuku ea hau *tjena*, ea lutseng hantle mona? Na u tsoa . . . Uena, uena—u tsoa kantle ho toropo? Ema ka maoto makotsotso. Eare u sa lutse mono, u rapela, ha fihla maikutlo a makatsang, hang feela. E ne e le Lengeloi la Morena. Joale O eme pela hau joale. Joale ho na le ntho e 'ngoe, eo u Mo amileng ka eona. Ha ke tsebe hore na ke eng. Empa u tsoa ka ntle ho toropo. U ka tsoa o tsoa Louisville, kapa Tennessee, kapa hohle moo u ka bang teng. Ha ke tsebe. Molimo o tseba seo. Empa ha A ka ntšenolela seo u . . . sephiri sa pelo ea hau—ho tsebisa takatso ea hau, kapa ntho e 'ngoe, na u tla lumela, ho amohela Lentsoe, ho etsa tsohle ka mokhoa oo . . .

246 Joale lona batho bohle, le shebileng hantle ho mosali, le tla bona. Joale ha Moea o Halalelang, haeba E sa le Moea o Halalelang, A o senole. U se ke oa tšoha. Ke Molimo. O boloka Lentsoe la Hae, Lentsoe le leng le le leng.

247 Mosali o hlokofoetsoa ke ho khahloloa, boemo ba methapo. Ke hantle, phahamisa letsoho la hau. U na le bothata ba pelo, hape. Eo ke pelo e linerefe. E u utloisa tuba le ho feta ha u robala, ho u bipetsa le ho feta. U bile le opereishene. Opereishene eo ha eso fole. Ke hantle. Na ha ho joalo? Che, ha u tsoe Ohio. . . U tsoa Ohio. U tsoa Ohio. E, monghali. U na le moroalo pelong ea hau. Ke ngoanana e mong, kapa ho hong. Ke morali, ea lahlehileng. Seo ke HO RIALO MORENA. Eya, u amohela seo u se kopileng, mofumahali. U amile Ntho. U a lumela?

E ne e le mang hape ba phahamisitseng matsoho a bona . . . ? [Sekheo lebanteng—Mohl.] . . . ka mona?

248 U a lumela Molimo a ka ntšenolela sephiri sa pelo ea hau? U lumela hore ke eena Molimo oo esale ke rera ka eena hoseng

hona? U na le seriti se lefifi holima hau, ke mofetše. U lumela hore Molimo o tla u folisa? U etsa joalo? Ho lokile, monghali, joale u ka khutlela Ohio moo u tsoang teng, Lebanon, khutla, 'me u fole, u lumela ho Morena Jesu Kreste. E-ya, lumela.


²⁴⁹ Mofumahali enoa ea lutseng hantle mona, o batla a... Lekhopho la mofuta la letlalo. Ema, moratuo. U a lumela? E batlile e u tšosa hanyenyane, na ha ho joalo? Ho lokile. Ho joalo... U tla e hlōla. U tla phela hantle. Kea u bona, hamorao. E-ya hae, u fole.

²⁵⁰ Motho eo ea ileng a ema metsotso e seng mekae e fetileng ke mang? Monna e mong morao mono o ile a ema, kae-kae. Uena ka letsoho la hau holimo, ema ka maoto a hau. U lumela Jesu Kreste a ka mpolella bothata ba hau ke bofe? U a e amohela? Na u lumela hore lefito le tla tloha molaleng oa hau? Mosali oa hau ea lutseng mono pela hau, a tšoeroe ke boemo ba methapo. Ho lokile, hape. Kaofela le tsoa Ohio. Beha letsoho la hau holim'a hae mono, moena.

²⁵¹ Morena, a ba fole, ba khutlele hae, ba thabe, ba phele, ka Jesu Kreste, Morena oa rona. Amen.

²⁵² [Sekheo lebanteng—Mohl.]... motho e mong pel'a hau. Nka Lentsoe la ka; ke le bolella Lentsoe la Molimo. Le a E lumela joale? Bohle ba lumelang, le re, "Amen." [Phutheho e re, "Amen."] Lentsoe le bonahalitsoe. Ke 'Nete.

Joale inamisang lihlooho tsa lona.

²⁵³ Morena, ke tla ho Uena ka Lebitso la Jesu, ke rapella batho bana. Nako e se e le morao, Morena. 'Me ehlile nako e morao ho feta kamoo re nahanang. Ho Tla ha Morena, ho atametse. Re rapela hore mehauhelo ea Hau e atolosoe. Ba fe, Morena, pholiso ea bona. Joale ke khalema liabolosi, ka Leseli la Lentsoe la Molimo; hore ke Mora oa Molimo, hore Jesu Kreste Mora oa Molimo esale eena maobane, kajeno, le kamehla, kolobetso ea metsi ka Lebitso la Jesu Kreste e nepahetse... 

59-0823 Bookholane, Tsie, Lerutlè, Seongoane
Branham Tabernacle
Jeffersonville, Indiana U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org